## ՍԱՄՈՒԷԼ ՄՀԵՐԵԱՆ

L3B

Bb


ԵՐԵՒԱՆ 2016 (ሀԺደ) ጓՏԴ 27: 821.19-1 Մհերեան ԳՄԴ 86.37 +84(5h) -5 Մ 809 Մհերեան Մամուէլ Մ 809 ԱՅԲ-ՔԷ/Մ. Մհերեան. -Եռ.: ՆՏ Հոլդինգ. 2016. 208էջ

## Գիրքը վերահրատարակւել է **Ալեքսանդր Աբրահամեանի** սհուսոժառ հոմանաւողութեամբ

«Կա՞յ արդեոք մի այնպիսի բան, որի համար ասւի, թե սա նոր է. արդեն հին դարերից եղած է նա, որ մեզանից առաջ եղել են։ Առաջինների յիշատակը չկայ...» (Ժող. 1.10,11)։

«Այբ-Քէ» ժողովածոյի երկրորդ իրատարակութեամբ, որը համալրել ենք «Քարեր, կանչէ՛ք՝ Ովսաննա՛» խորագիրը կրող բանաստեղծութիւնների շարբով, նպատակ ունենք վերադառնալու Մաշտոցեան սուրբ այբուբենին՝ սկզբունբորեն հրաժարւելով դարեր շարունակ դրան կցորդ դարձած «և», «օ», «ֆ» տառերից («Օ»-ն փոխարինել ենք «Աւ» երկբարբառով)։ Յոյս ունենք, որ աղոթական այս ստեղծագործութիւնները լեզուաբանների ու բանասէրների կողմից կընկալւեն իբրեւ իրենց ուղղւած հորդորական նամակներ եւ կնպաստեն դասական ուղղագրութեան վերականգմանը, որից մասամբ հեռացել են, թէ՛ արեւմտահայերեն, թէ՛ արեւելահայերն գրական լեզուները՝ խիստ վտանգելով մեր՝ հայերիս ազգային միասնութիւնը։

ጓSԴ 27: 821.19-1 Միերեան ԳՄԴ 86.37 +84(5h) -5



«Ես եմ **ԱՅԲ**–ը եւ **ՔԵ**–ն՝ սկիզբը եւ վերջը, ասում է Տէրը, նա որ է եւ որ էր եւ որ գալու է, Ամենակալը» *(Յայսն. 1.8)։* 

Urmphs	<b>Ժ-</b> ամանակաց,	Ճեմարան	በ ተተ.
Բովանդակ	Þ <sub>r</sub> mg,	U <sub>7</sub> -5'	Սբբոց
9-njn-ft-nhy	Lucung,	8 11111	Վկայարան՝
Դապաշոր,	լսաբարի,	ՙ, աղովրեցի.	Str
Gr4769	Ծովոց,	Cznrz	<b>2</b> ե
2,,,,,,	Կենսականաց,	በ46225,	8-74-4
Purbber	Համայնից.	2	<b>"</b> [
C-42-2	Q	Պարաջիչ,	φmr.th
(grafacut,	Ղողանջական,	<u>"Չ</u> անադիր	Քրիսպոս։






## UBB-Bb







Իմ Տէր, իմ Աստուած, Մխիթարութեան Հանգրուան իմ սուրբ, Սրբութեան ակունը, Փրկութեան պարիսպ, Փառքի աշտարակ, Խաղաղութեան վէմ, ՅաղԹուԹեան դրոշ, ԱւրՀնութեան շղարշ, Հանգստիս քաղաք, Յոլսիս ապաւէն, Հասի՛ր, փրկի՛ր ինձ... Տես, գորացել է Հակառակորդի խորհուրդը իմ դէմ. Որսողի նետր Հասնում է սրտիս Եւ Հա9ողւում են անձս որոնող Թշնամու լարած Թակարդներն ամեն...

Մեղքի ճարակը վարակել է ինձ, Գերեզմանոցի մեռելուԹիւնը Համակել է ողջ մարմինս դողով Եւ Հողմահալած ալիքների պէս Ահաբեկւել եմ մահուան սառոյցից... ՅիմարուԹիւնը պաշարել է ինձ, Ինչպէս ամպերն են լեռները ծածկում Թանձր մշուշով

Ու դարձնում շուրջը ծայրահեղ մռայը Այսպէս փորձւեցի, սակայն քանքարը Հողում Թաքցնող ծառայի նման Յանդիմանւեցի եւ չեղա՛յ ընտիր<sup>լ</sup>. Բաղաամի էշը առաւել խոհեմ

գտնւեց, քան ես²։

Ուխտեցի, սակայն Հաւատարմութիւնն ատողների պէս իսկոյն գայթեցի Եւ հնչաէս երոման խողմուրդը նենգող`

Եւ ինչպէս երդման խորՀուրդը նենգող` Ինձ Հռչակեցի մէկր ժողովքից

դաւաճանների։

Հարսնեաց խնջոյքի Հրաւիրւեցի³, Սակայն մարմնաւոր Իսրայէլի պէս Փեսայի Հանդէպ զուր տրտնջացի Եւ փակուղեցի դէպի սրբուԹիւն

ճամփեքս բոլոր։

Թագաւորական տոնախմբութեան հանչ երհ

կանչւեցի, սակայն

Արդարոց զգեստ չկար իմ Հագին, Եւ խայտառակւած` դուրս շպրտւեցի Պալատից դէպի խոնաւ խաւարը, Որտեղ որ լացն էր եւ ատամների

կրճառցները⁴...

Իմ Տէ՛ր, իմ Աստուա՛ծ,
Իմ բժշկուԹիւն,
Սրտիս սփոփուԹիւն,
Կենաց ճանապարՀ,
ՃշմարտուԹեան դուռ,
Ծագող Արեգակ,
Կենարար աղբիւր,
Անվերջանալի փառաւորուԹիւն,
Անոմբռնելի վեհաճառուԹիւն,
Անընկալելի հանձարեղուԹիւն,

Անսահմանելի ողորմածութիւն,

հասի՜ր, փրկիր ինձ...

Մի՞Թէ Թոյլ կտաս կործանւեմ... տե՛ս, որ ՑայտնուԹեան Գրքի «վայ»-երը բոլոր կիտել եմ վրաս⁵

Եւ սարսռում եմ Քո բարկուԹիւնով Լեցուն գաւաԹի ողջ լիուԹիւնը Գլխիս Թափւելու սպառնալիքից, Քանզի գիտեմ, որ գալուստիդ Աւրը մոտեցել է եւ


Ամբարիշտները չեն կարող կանգնել Քո սրբութեան դէմ<sup>6</sup>.

Գիտեմ նաեւ, որ յետին աւրերին Երկնից զորքերը պիտի ժողովւեն Քրիստոս Գառան դրոշակի տակ, Ու մեծ պատերազմ պիտ պայԹի դաշտում Արմագեդոնի<sup>7</sup>.

Եւ Որդուդ փառքի զորուԹեան աՀից Աստղերը պիտի Թափւեն խառնիխուռն<sup>ջ</sup>, Երկիրը շարժւի, Սարերը ծխան, Ծովը դառնանայ, Ու երկինքները պիտի գալարւեն մագաղաթի պէս<sup>9</sup>,

Ձի Դո՛ւ ես խոսել... Իմ Տե՛ր, իմ Աստուած, Իմ արդարութիւն, Հոգի՛ լարուԹեան, ԳԹուԹեան ակն, Լո՜լս իմաստութեան, Ուղղութեան շաւիդ, Բարութեան ագդակ, ՈւրախուԹեան լուր, Չգերազանցւող երկալնմտութիւն, Չբացատրւող ՀարատեւուԹիւն, Անփոփոխելի Սուրբ ԵրրորդուԹիւն՝ Հայր, Որդի եւ Սուրբ Հոգի, Քեզ լինի Պատիւ, գովասանը, երկրպագուԹիւն,

Ցաւիտեան. Ամէն։



Քրիստո՜ս աւրՀնեալ, Որդի Աստուծոլ, Տէր խորՀրդական, ՓրկուԹեան յոյսի Մեծ Երաշխաւոր, Երկնային փառքի եւ արդարուԹեան արտոնեալ Վկալ,

Խոստմունքի երկիր, Հանգստութեան աւր, Ուխտի ապացոյց, Ամենքից աւրՀնեալ, բոլորին աւրՀնող, Միակ Ճշմարիտ, Հաւատարիմ Տէր<sup>10</sup>... Ջի Դո՛ւ` Բազմեալդ երկնային գահին, Մեզ վկայւեցիր մշտնՋենաւոր Աստուծոյ բերանով,

Եւ Բարձրեալ Հայրը Քո երանելի Անձով մեզ յայտնեց Իր սուրբ աւրէնքի կատարելուԹիւնն ու սքանչելիքը...

Արդ, արարւեցին եւ տիեղերքները`
Նախակոչւելով պատմելու փառքդ<sup>ո</sup>.
Երկինքներն ամեն, աստղերը պայծառ,
Արեդակն արդար Քե՜զ են աւրՀներդում,
Ինչպէս եւ կենաց ծառը Եդէմում,
Որն իր ճիւղերի վրայ բողբոջած` Կրում է երկնից խորուԹիւնների Ու խորՀուրդների ողջ ճոխուԹիւնը,
Հանդիսանում է Քո սուրբ էուԹեան

արտացոլանքը։

Նաեւ Սիոնի տաճարի ներսում` ՍրբուԹեան Սրբոց գերագոյն զարդը` Տապանակն Ուխտի ոսկեԹիԹեղւեց Քո աստուածային պատկերի շուքով... - Լուսապսակ Տէր, Դու, որ ամեն ժամ ԾառայուԹիւն ես ընդունում փառքի քերովբէներից,

Ու երեցները գիշեր ու ցերեկ անդադար կանչով

Քեզ աւրՀներգում են՝

– Սո′ւրբ ես, Սո′ւրբ ես, Սո′ւրբ¹²,

Լսիր եւ ձայնն իմ աղերսանքների. Քո գԹուԹեան պէս յիշիր ընկածիս, Ինչպէս յիշեցիր խաչին բեւեռւած այն աւագակին,

Ով մահից առաջ Քո սրբուԹիւնը Ընկալեց որպէս փրկուԹեան միջոց<sup>յз</sup>... Թող ընդունելի լինի Բարձրեալիդ` ԱպաշխարուԹեան բուրվառիս խունկը, Ձոհը զղջումիս եւ ընծաները

կոտրւած սրտիս...

ԳԹուԹեան Աստուած, Յիշիր, որ մարդ եմ` կաւ, ցեխ, տիղմ, մոխիր, ՈւնայնուԹիւնից ԹեԹեւ` Հող, փոշի։ Թող Քո առաջին չյիշատակւեն մեղջերս բագում,

Կենցաղս վատխար, Բնուխիւնս պիղծ, հեշտասէր, շնաչք, Ընխացս շեղւած, Միտքս տատանեալ, Ոտքս դիւրագայԹ... Տէր իմ, գիտեմ, որ մահու ծախւածիս Փրկավճարը Քո կեանքն արժեցաւ, Եւ ԹողուԹեանս Հնարը եղաւ

արեանդ գինը...

Արդ, գիտեմ նաեւ, Որ աստուածային նախասահմանմամբ Աշխարհիս մեղքը քաւելու համար Որպէս բարութեան ու ողորմութեան արտահայտութիւն`

Շա′տ խոնարՀւեցիր...

եւ մեծ Հեղութեամբ

ու Հոժարութեամբ

Յանձն առար խմել բաժակը մահուան` Աստուածութիւնդ խոնարհեցնելով մինչեւ դերեզման<sup>14</sup>,

Որ ե՛ս` բեկեա՜լս, խաւարի միջից Վեր յառնեմ դէպի Լոյսի բարձունքը... Արդ, Հանցաւորիս եւ Աստուծոյ միջեւ ՀաշտուԹեան կապը վերանորոգող Միակ Միջնորդիդ<sup>15</sup>

Իմ գոՀուԹիւնն եմ պատարագում վեր, Արժանաւոր Տէր, Որ Քե՛զ վստաՀւեց Կենդանի Զուրը ՄաՀացեալներիս ձրի բաշխելու ԻշխանուԹիւնը եւ զորուԹիւնը, Որ Քո Թեւերի վրայ են Հանգչում ԲժշկուԹիւնը եւ ԹողուԹիւնը<sup>16</sup>, Ու ամեն լեզու, պետուԹիւն, կղզի,

**Ֆա**գաւորութիւն

Երկնքում, երկրում եւ երկրի խորքում անուանւածներից


Ի վերուստ ընդմիշտ Հնազանդւած են Քո ոտների տակ<sup>լշ</sup>։

Յաղժանակած Սո՜ւրբ, Ծիածանաժագ Աւծեա՜լ երկնային, Որ երկինքների Երկինքը կերտւեց Նկարագրով` նման Քո Անձին, Քեզ լինի պատիւ, պսակ, վայելչանք` Ժողովուրդների ու ազգերի մէջ

յաւիտենապէս։

ԱւրՀնեալ Թող լինի Հրեշտակապետ Գաբրիէլի յայտնած սուրբ աւետիսը<sup>18</sup>, Հոգու Հովանին Տիրամոր վրայ<sup>19</sup>, Ծնունդդ բարի, Խաչիդ քարողը, Լո′ւրը յարութեան եւ Պէնտեկոստէն` Մխիթարութեան Հոգու Գալուստի փառաւոր տոնը²º. Ամէն եւ ամէն։





«Ո՞վ Հաւատաց մեր լուրին, Տիրոջ բազուկը ո՞ւմ յայտնւեցաւ²¹»... Ովքե՞ր Հասկացան իմաստուԹիւնն այն, Որ արԹուն կենան²², Որ շիտակ պաՀեն Տիրոջ ճամփեքը²³, Որ չձանձրանան բարին գործելուց... Ո՞ւմ աչքը տեսաւ, ականջը լսեց, ո՞ւմ սիրտը ընկաւ`

Ըմբռնելու այն ծածուկ խորհուրդը պատւիրանների,

Որոնց մասին որ մարդարէները Խոսեցին իրենց սուրբ գրւածքներում, Թէ` մի՛ բարկանաք, որ չմեղանչէք²⁴, Թէ` մի՛ նախանձէք, Չարը մի՛ խորՀէք, Մի՛ դոռողացէք, Սուտ մի՛ վկայէք<sup>25</sup>, Այլ աղոթեք արէք, որ փորձանքի մէջ չընկնէք յանկարծ<sup>26</sup>...

– Ո՞ւմ Հաւատացւեց

խորհուրդն հանճարի, որն հորդորում է՝ Մարմինը հեռու պահել աղտեղող պոռնկութիւնից<sup>27</sup>

Եւ սրբագործւել, քանի որ սո′ւրբ է Տէրը երկնքում²Ց։

- ԱւրՀնեա՜լ է Տէրը` Աստուածն ամենքիս, Որ Իր սուրբ կամքի նախասահմանմամբ Որպէս Իր համար սեփական ժողովք` Կանչելով ընտրեց եւ առանձնացրեց ՀաւատարմուԹեանն հետեւողներին` արդարոց բո՜յր

Եւ բարեշնորՀ Իր գԹուԹեան պէս, Իբրեւ արտոնեալ ժառանգաւորներ գալիք փառքերի,

Թոյլ տուեց նրանց, որ Հաղորդակից Լինեն երկնային զորուԹիւններին, Որոնց եւ կոչեց` Երանելինե՜ր²<sup>ջ</sup>. Նրանք Սուրբ Հոգուց զորուԹիւն Հագած, Որպէս փրկուԹեան Աւետարանի բարի մշակներ,

Ստանձնեցին Աստուծոլ տնտեսութիւնը Եւ ուրանալով իրենց անձերը`

վեր առան խաչը՝

Աւծեալ Յիսուսին դաւանելով Տէր,

Վարդապետ - Փրկիչ...

Այդ նրանք էին, որ Բահաղի առջեւ ծունկ չծալեցին<sup>յ</sup>

Ովքեր Հաց տուին անոթիներին, Ջուր խմեցրին ծարաւածներին, Շոր Հագցրեցին նրան, ով մերկ էր Եւ այցելութեան գնացին բանտում

գտնւողներին...

Նրանք են, ովքեր Աստուծոյ երկիւղը ունեն իրենց մէ9<sup>31</sup>,

Ում Համար աւտար կրակը պիղծ է, Ում զզւելի է կուռքերի զոՀը։ Նրանք չեն տալիս իրենց ձեռքերը ՀամաձայնուԹեան` մեղքին ծախւելու<sup>32</sup>. Նրանց սրտերում ճանապարՀներ կան` պատրաստւած Տէրից<sup>33</sup>... Փառը Քեզ, Բարեգութ,

աւրՀնաբանեալ Տէր,

Որ անկեղծութեամբ Քեզ կանչողներին Պատմուճանեցիր ՇնորՀի Հոգով Եւ կանգնեցրիր խորանիդ առջեւ` Որպէս ճշմարիտ երկրպագութեան Սուրբ պաշտոնեաներ` Քեզ ծառայելու... Որ մեղքը մարմնում դատապարտելով` Աւրէնքիդ ամբողջ արդարութիւնը Յայտնեցիր, նաեւ կատարեալ արիր սրբող անձերում³⁴...


ԲժշկուԹեան Հայր,

նեղուԹեանս մէջ այցելիր եւ ի՛նձ, Ու Թող ամոքւեն Հակառակորդից Գանածեծ անձիս բոլոր վէրքերը. Տէր, ողորմիր ինձ

եւ պայծառացրու երեսդ վրաս<sup>35</sup>։ Թող Քո Սուրբ Հոգին սիրտս նուաճի (Ինչպէս յաղԹական Յեսուի զորքը մտաւ Երիքով<sup>36</sup>),

Որ արժանանամ Քո աջակողմեան Դասում կարգւելու երանութեանը. Զի փառքերի մէջ Քո սրբութիւնն է ճշմարիտ միայն, Եւ Քո Անձից է ճառագում լոյսը յաւիտենութեան, Արդարութիւնը եւ իրաւունքը եւ ուղղութիւնը.

Ամէն եւ ամէն։



– Իմ Տէր, իմ Աստուած, Իմ պաշտպան, իմ փառք,

իմ արդարութիւն,
Ինչո՞ւ ես լռում. խոսիր սրտիս Հետ
Եւ սրբութիւնդ մի՛ ծածկիր ինձնից։
ԱւրՀնեալ ես Դու, Տէր,
Ցոյս անեզրական,
Սէր բարձրաՀանճար,
Պատկեր Հրաշունչ,
Տեսք փոթորկահոյզ,
Տիպար ահաւոր,
Բնոյթ բոցավառ,
Էութիւն լուսէ,
Գոյութիւն ահեղ,

Աղբիւր կենսական, Բարութիւն անվերջ, ԳԹուԹիւն անսպառ, Սփոփանաց ծագում, Խաղաղութեան ազդ, ՈւրախուԹեան գոչ, Հաւատքի ակունք, Քաղցրութեան բերկրանը... Ինչո՞ւ ես լռում, Անձդ յայտնիր ինձ, Ու Թող երեսդ փայլի ինձ վրայ. Ինչպէս Եղիայի աւրերում կրակ Թափեցիր վերից<sup>37</sup>, Այնպէս ծածանիր փրկութիւնդ իմ գլխավերեւում, Որ չշփոխեեմ մահուան ծմակում նստողների պէս... Գալժակղուժիւնը գորացաւ իմ դէմ, երբ քնած էի, Եւ մեղքը որպէս դարանած դազան<sup>38</sup>՝ Ոգեւորւելով զգոնութեանս Բացակայումից` յարձակւեց վրաս։

Դատաստան արա ինձ, Տէր իմ արդար,

Մի՛ Թող վրիպեմ ճշմարտուԹիւնից, Տես, անաւրէնը սահաքարեր է Շարում ոտքիս տակ, որ ինձ վայր գցի, Իսկ նրանք, որոնց միշտ յիշել եմ իմ աղոԹքների մէջ,

Արդ փսփսում են մէջքիս ետեւում Եւ սպասում են իմ սայԹաքելուն,

որ չարախնդան...

ԳԹուԹեան Աստուած, տե՜ս, որ խեղճ եմ ես. Ձեռքդ երկարիր կարիքաւորիս։ Ինչպէս փրկեցիր ԴաւիԹ ծառայիդ

Սաւուղի ձեռքից,

Ազատիր եւ ինձ` անձս որոնող դժոխքի խայԹից,

Ձնջիր մեղքերս յիշատակուԹեան Գրքերից ամեն,

Ու գերեզմանը Թող իշխանուԹիւն չունենա վրաս.-

Ինչո՞ւ կործանւեմ ապստամբ որդկանց Հետ, Որոնց յոյսն իրենց անշունչ կուռքերն են, Կամ ինչո՞ւ որպէս անհամացած աղ`

թափւեմ ոտքի տակ<sup>39</sup>։

Թող ամբարիշտը չասի, Թէ` Տէրը լքել է սրան,

Կամ` ո՞ւր է դրա Աստուածը, որին նա յուսացել է։

Կենդանի՜ է Տէրն իմ ամենաւրՀնեալ. Իմ փրկութիւնը կեանքի ծրարում Կնքւած, պաՀւած է Բարձրեալ Աստուծոյ մոտ, Եւ անաւրէնի դատաստանն իմ դէմ գորութիւն չունի։

– Հեռո՛ւ մնացէք ինձնից, ստուԹեան որդիներ բոլոր.

Տէ՛րն է իմ Վկան. Ձեր խորհուրդները չե՛ն կատարւելու, Ձեր հնարքները չե՛ն հաջողելու, Եւ այն դաշինքը, որն հաստատել եք Արդարի դատը ծռելու համար,

շուտով կքանդւի.

Ձեր դրոշակը պիտի խոնարհւի, Նետը` կոտրւի, Սուրը ժանգոտի, Ուժերը հատնեն, Յոյսը չքանայ, Սիրտը տագնապի, Լեզուն պապանձւի, Աչքը նուաղի, Բերանը փակւի, Վիզը կորանայ, Մէջքը երերայ, Ձեռքը Թուլանայ, Ոտները դողան, Ծնկները ծալւեն, Եւ ատամները պիտի փշրւեն`

Տիրոջ ապտակից.

Այսպէս ամոԹով` ե՛տ պիտի դառնաք Ու մէջքի վրայ զարնւէք գետնին` Իբրեւ կենդանի մի վկայուԹիւն,

որ ցուցանում է

Երկնքի Աստուծոյն Հնազանդւողի, Եւ սրբութեան դէմ պատերազմողի տարբերութիւնը<sup>40</sup>...


Հաւատարիմ է իմ փաստաբանը<sup>41</sup>, Իմ պահապանը չի ննջի բնաւ<sup>42</sup>, Եւ այն հիմունքը, որին կո*լ*ժնել եմ, երբէք չի շարժւի,

Քանզի փրկիչն իմ երկնքի գահին

Բազմած Աւծեալն է` Տէրն ամենայնի. Նրան լինի փառք, վայելչանք, պատիւ, Յաւիտենիցս յաւիտեան.

Ամէն։





Տէր Յիսուս Քրիստոս, Իսկութիւն ահեղ, Խորհուրդ փառաւոր, Երկնից Աթոռի Մեծն Գահակիր, Մշտնջենաւոր Քահանայապետ<sup>43</sup>, Որ ունես Աստուծոյ եղթ հոգիները եւ եղթ աստղերը<sup>44</sup>,

Որ ունես ԴաւԹի բանալիները<sup>45</sup>, Եւ յաւիտենից կնքւած գրքերը Բացելու միակ կարողուԹիւնը Քե՜զ է պատկանում<sup>46</sup>.

Արդ, աղաչում եմ` գԹա ծառայիս, Որ մեղանչեցի պատկերիդ առջեւ` Մարմնիս բոլոր զգայաններով

եւ անդամներով

Ու Հիմա չունեմ Քո սրբուԹեան Հետ

Հարաբերւելու եւ ոչ մի եզեր... Դու` գեղեցկուԹիւն Հոգեւոր, ես` Հո՛ղ, Դու` անձնաւորեալ սքանչուԹիւն, ես` ցե՛խ, Դու սէր, ես` մոխի՛ր, Դու Հոգի, ես` կա՛ւ, Դու լոյս, ես` փոշի՛, Դու երկնային Հաց` խորՀրդով ինչպէս քաղցր մանանայ<sup>47</sup>, Մինչդեռ ես` ինչպէս դառնահամ լեղի... Դու տաճար սրբոց<sup>48</sup>, քերովբէների այցելուԹեան վայր,

Իսկ ես` լքւած տուն, Ձարդւած պատուհան, Փլւած առաստաղ, Թալանւած մառան, Խարխլւած պարիսպ, Անպտուղ այգի, Ցամաքած ջրհոր... Դու ամենաւրեայ տոնախմբութիւն հրեշտակային,

Լոյս զուարԹուԹեան,

Թարմութեան բխում, Բարու ճառագում, Մինչդեռ ես՝ ինչպէս մռայլ մի9ավայր. Քամուց որորւող դարպասի ճռռոց, Դատարկութեան կանչ, Հանգած աշտանակ, Փչացած պատրոյգ, Երկարացած շուք, Անգողիկ ստուեր, Շուտահաս վախճան... Դու՝ բժշկութիւն, Մաիթարութիւն, Ապահովութիւն, ԳԹուԹեան գոլանը, Փրկութեան ժալթթում, Կեանթի Հորդագում... Իսկ ես՝ մերձ ի մա՜Հ, Կոտրւած ատամ, Չխնամւած վէրը, Հասունացած խոց, Բորբորւած աղիր, Ժանտաբնոլট ախտ,

Տենդահարոլց 9երմ, Ցաւագոլժ վարակ, Մահաբեր բացիլ... Դու՝ կարեկից Տէր, Ողորմող Աստուած, Հաւատարիմ Սուրբ, Հաստատուն հիմունը, Անփոփոխ խոստմունը, Անխամրելի յոյս, Սփոփութեան Ոգի, Փառթի Զորապետ. Մինչդեռ ես՝ ինչպէս վախկոտ ժամապահ, Դաւաճան գինւոր, Ստախոս վկայ, Բամբասող որդի, Կեղծաւոր ընկեր, Անարժան եղբայր, Շնագող հայազը, Պոռնկական սիրտ, Վաւաշոտ Հոգի, Տարփեալ էուԹիւն... Վա՛լ ինձ, վա՛լ ինձ, վա՛լ...

Վա՜յ ինձ, որ աչքս դարձեալ ու դարձեալ Հրապուրւում է հեշտասիրուԹեամբ, Վա՜յ ինձ, որ լեզուս շարունակում է Դատարկաբանել շատախոսուԹեամբ, Վա՜յ, որ ձեռքս ետ չեմ պահում մեղքի գայԹակղուԹիւնից


Եւ ամեն անգամ մեկնում եմ դէպի պտուղն արգելւած։

Վա՜յ ինձ, որ ոտքս չեմ արդելակում մահուան քայլերԹից

Եւ շտապում եմ դէպի կործանում... Սակայն Դու Սուրբ ես, ո՛վ Իսրայէլի Գովութիւնների մէջ բնակւող Տէր<sup>49</sup>, ՇնորՀ անպատում, Հանճար անմեկին։ Եւ Քո սրբութեան արտափայլումը Տիեզերքների ողջ խորութիւնները Փառքով զարդարող աստղերն են Համայն, Որ թէպէտ անձայն, անլեզու, անխոս,

բայց քարոզում են Անընդգրկելի վսեմուԹիւնդ եւ մեծուԹիւնդ<sup>50</sup>` Անբարբառ կանչով աւրՀնաբանելով Աւրէնքիդ ամբողջ արդարուԹիւնը, Պատւիրանքներիդ ճշմարտութիւնը, Դատաստաններիդ ուղղութիւնը եւ Իրաւունքներիդ անխախտութիւնը... Արդ, վայել է Քեզ փառք յաւիտեանս, Ժամանակների ու տարածութեան Տիրակալ Հզոր<sup>51</sup>, Անսկիզբ, անվերջ, նաեւ սկիզբն ու վերջն ամենայն բանի<sup>52</sup>։

Ամէն եւ ամէն։



Ո՜վ փառաւորեալ, Կատարեալ – աւրՀնեալ, ԳԹած – ողորմած, Սիրող – ընդունող, Սփոփող – բժշկող, Տէր իմ, ուշադրի՜ր կանչն աղաղակիս... Տե՛ս, Թանձրացել է սիրտս մոլուցքից փառասիրուԹեան. Հոգիս խամրել է ԹմրուԹեամբ այնպէս, Որ Հովւապետիդ ձայնը լսելու

եւ Հասկանալու

Կարողութիւնս Հատել է իսպառ... Ու եղաւ, երբ Դու` Տիեղերակալդ, ՍկզբնաԲանդ ողջ անուանւածների, այցելեցիր ինձ, Ես պատրաստ չէի Քեզ ընդունելու անձիս ՀեզուԹեամբ...

Այսպէս. խոսեցիր` չարձագանքեցի, Հրաւիրեցիր` չներկայացայ, Կանչեցիր` չեկայ<sup>53</sup>. Անձդ յայտնեցիր` Աւաղ, աչքերս փակ էին կուրուԹեամբ, ու Քեղ չտեսայ։

Եւ Հիմա Քո սուրբ մարգարէների ՅանդիմանուԹեան սլաքներն ամեն Որպէս երկնագոչ նախազգուշացում` ուղղւել են վրաս...

Վա՛յ ինձ` ապստամբիս... վա՛յ անաւրէնիս, Որ պարծենում եմ, սակայն ո՛չ Քեզնով, ԽորՀուրդ եմ անում` կամքիդ Հակառակ, Բերան եմ բացում` ո՛չ Քո խոսքի պէս. Ծաղր կայ լեզուիս տակ,

խեղուԹիւն, կեղծանք, մեծամտուԹիւն։ Գործում եմ` մինչդեռ առանց շնորՀի, Դաշինք եմ կնքում, բայց ո՛չ Քո Հոգով⁵⁴, Պայքարում եմ, բայց, աւաղ, աւտարի դրոշի ներքոյ... Ո՜Հ, Տէր իմ, փրկիր, ո՜Հ, Տէր, Հաջողիր<sup>55</sup>. Վեր առ ծառայիդ կործանման գուբից, Կալանքից մաՀուան, որ կլանում է ինձ աւրրստաւրէ։

Ինչպէս որ Նէէման Ասորին գտաւ ողորմածուԹիւն

Եւ Յորդանանի ջրերում սրբւեց բորոտուԹիւնից<sup>56</sup>,

Թող որ իմ անձն էլ բժշկւի ջրով, այն ա

այն աւազանի,

Որն ամբարւած է Քո էուԹեան մէջ, Քանզի ես Քո՛նն եմ, Սրտեր քննող,

Մաքեր Հաստատող,

ԽորՀուրդներ յայտնող,

Տէ′ր Միածնունդ,

Աստուած Կենդանի։

Ինձ ճանաչում ես խորութեամբ` մինչեւ ծուծը ոսկրերիս.

Երիկամներիս խորՀուրդներն ամեն Քո առաջն էին, երբ ծնւած չէի... Աւծեա՛լ Գերագոյն, Աղատի՛չ Հոգուոց, Թողի՛չ մեղքերի, Տե՛ս, լայնացել է Հակառակորդի բերանն ինձ վրայ` Քո գԹուԹեանը ապաւինածիս...


Պաշտպանիր ինձ, Տէ′ր,

որ դատաստանում չդատապարտւեմ. Ինձ ՀայՀոյողը Քե՛զ է անարգում, Ինձ Հալածողը Քե՛զ է նախատում, Եւ քարկոծում են արդարութիւնդ` ինձ ատողները,

րու ասողադրը, Քանզի գիտեն, որ Քո սրբուԹեանը յուսացած մէ՜կն եմ...

Թող որ յետինն եմ, բայց մէկն եմ նաեւ նրանցից, ովքեր

Սպասում են Քո Սուրբ Յայտնութեան տոնին` Գիշեր ու ցերեկ աւրՀնաբանելով` Ալէլուիա, Տէր եւ «Մարան աթա»։



Տէր, իմաստունիդ Թագաւորական<sup>57</sup> գրւածքն ասում է՝ Սովորիր առակ, ալյաբանութիւն, գիտութիւն, հանճար, Եւ իմաստութեան խրատն ընդունիր58, Ինչպէս ծարաւած Հողն է կլանում **ջուրն աղբիւրների,** Որպէսգի դալար մարգագետնի պէս ծաղկես էութեամբ Եւ հանդարտ լինես չարիքի վախից<sup>59</sup>։ Սուրբ գրւածքները ասում են նաեւ՝ Սիրտդ Հեռացրու յիմարուԹիւնից, Որ նեղութիւնը մրրիկի նման չՀասնի վրադ Եւ որ ապահով լինես շուտահաս թշուառութիւնից<sup>60</sup>... – Արդ ես` անմիտս, խոստովանում եմ, Որ ականջներս չխոնարՀեցի Դէպի խորՀուրդը Հոգեւոր խոսքի. Եւ փոխարենը երկնային գանձեր

ամբարեմ իմ մէջ՝

Ձեռքս մեկնեցի աշխարհի կորչող ունալնուԹեանը։

Ու երբ փորձւեցի, յայտնաբերեցի անձս անկատար.

Յայտնապէս տեսայ վիճակս անկեալ,

Կարգս ընկեցիկ,

Դիրքս վիժեցեալ,

Պատիւս տուժած,

 $\Phi$ ш $\mathbf{n}$ ри  $\delta$ ш $\mathbf{n}$ р $\mathbf{n}$ н $\delta$ 61,

Անունս մերժւած։

Տեսայ, որ մահը մեղքով զորացած`

կալանել է ինձ

Եւ չարչարում է որպէս խամաճիկ, Քանզի աւրերս վատնել եմ շուայտ

ինքնակեցուԹեամբ.

Սիրոյ մէջ` Թերի, Հաւատքի մէջ` կաղ, Յոյսի մէջ` տկար, Զանքերիս մէջ` ծոյլ, ԱղոԹքիս մէջ` կեղծ, Կամքիս մէջ` կիսատ, ՀամարձակուԹեամբ` ընդմիշտ վարանեալ, ՔաջուԹեամբ` Հեռու վեՀանձնուԹիւնից, Ծախսելիս` պծուծ,

Իմաստութեամբ` թիւր...

Փառք Քեզ, Աստուած իմ, որ անտեսեցիր կերպս մեղսական,

Որ չյիշեցիր բնուԹիւնս պիղծ, Այլ Քո շնորհի մեծուԹեան չափով ինձ ապրեցրիր

Եւ գիրկդ առար` որպէս զաւակի... Ալէլուիա՜, Տէր, սրբերի Իշխան,

ես Քո ծառա՛ն եմ՝

Թող որ ձախողւած, բայց Քեզ սիրողս, Թող աղքատացած, բայց Քեզ աւրՀնողս, ՀարստաՀարւած, սակայն Անունդ փառաբանողս, Նախատւած, բայց Քո սրբուԹեան Հանդէպ նախանձաւորս,

Անապաստան, բայց պարսպիդ շուքին ապաւինողս...

Սայթաքած, սակայն Հաւատքով կանգնած, Բեկւած, սակայն եւ Հոգով կազդուրւած, Մարդկանց աւտար, բայց Քեղնից ճանաչւած, Բոլորից քշւած՝ Քեզ ընդունելի, Խոցոտւած, սակայն Քեզնով բժշկւած, Մոլորւած, սակալն Քեղնից դտնւած, Վտարւած, սակալն Քեզանից կանչւած, Հալածւած, սակայն Քեզնով ամոքւած, Բանտարկւած, սակայն Քեցնով արձակւած, Խարխլւած, սակայն Քեզնով նորոգւած... Գերափառ Սրբիդ անսաՀմանելի ԳԹուԹեան Հանդէպ երախտագէտս Իմ այս սաղմոսով որպէս յիշատակ Սրտիս գոհութեան երախայրիքը րնծալում եմ Քեդ.

Տէր Յիսուս Քրիստոս, Որդի Աստուծոյ, Հրեշտակաբիւր զորաբանակի

Աւծեալ Առաջնորդ,

Որ որպէս միակ Արժանաւորիդ, Վեհակալութեան աթոռին բազմող Հորից Քե՛զ տրւեց յաղթութեան փառքը, Կատարելութեան պսակն անթառամ, Եւ արտոնութիւնն այն վսեմագիւտ, Որ գեղեցիկի նրբագոյութեան Ծածուկ խորհուրդը յայտնես Քո Անձո՛վ. Որ ճշմարտութեան ադամանդակուռ


Եւ յաւիտենից նախասահմանւած Թագաւոր որպէս` տիրես աշխարհին, Որ արդարուԹեան գոտին<sup>62</sup>` որպէս Թէ Փառքի ծիածան փաԹաԹես մէջքիդ Եւ դատաստանի Աւրուայ բարկուԹեան Ցասումով լեցուն սկաւառակները Թափես երկնթիս<sup>63</sup>`

Կրակիդ բոցով սպառելով ողջ պղծուԹիւնը, որ Վեր է կարկառւել սրբուԹեանդ դէմ. Արդ, վայել է Քեզ սքանչերգուԹիւն եւ փառք յաւիտեանս. ՑաղԹանակած Սուրբ, Ջորաւոր Դրոշ,

Փառաւորեալ Տէր։

Գիտենք` այլեւս բանսարկու աւձի Ձարդւած գլուխը կրունկիդ տակ է<sup>64</sup>. Ամէն եւ ամէն։





Իմ Տէր, իմ Աստուած, Իմ պարծանք, իմ խանդ, Իմ ազնւութիւն, Իմ կարողութիւն, Իմ Հարստութիւն, Իմ խինդ, իմ կորով, Իմ առող Չութիւն, Իմ ուրախութիւն, Իմ պալծառութիւն, Իմ երջանկութիւն, Անձս պերճացնող քա)ութեան Հորդում, ԻսկուԹեան Հորդոր, Վսեմութեան կոչ, Ճշմարտութեան գոչ, Վեհութեան մղում,

Սխրանքի առիթ, Սրբութեան պատճառ, Ուղղութեան միտում... Յաւիտենակեաց ԻնքնանմաՀութիւն, Որ բնակւում ես փոթորիկի մէջ Եւ սլանում ես քերովբէների Թեւերին բազմած` Հրեղեն կառքով։ Արդ, Քեղ են ուղղւած գովասանքները Հոգուս ցնծութեան,

Եւ գոհու**խիւնը սրտիս խորքերից** ամեն ժամանակ

Հորդում է դէպի Քո Սուրբ ԱԹոռը. ԱւրՀնեա՜լ Թող լինեն աւրՀնուԹիւնները Քո աւրՀնաբանեալ,

Ո՜վ Իսրայէլի զորքերի Աստուած<sup>65</sup>, Երուսաղէմի Հրեշտակ արԹուն, ՓրկուԹեան ՇնորՀ, ԲժշկուԹեան Տուրք, ԹողուԹեան Պարգեւ, ՍփոփուԹեան Ընծայ, ՈղՋուԹեան Նուէր, ԿենսուԹեան Բաշխում,

Ինքնանճառութիւն – Ինքնանմեկնութիւն։ Ովքե՞ր Հասկացան պատւիրաններդ բազմաբովանդակ, Ո՞ւմ լայտնւեցին դատաստանները Քո խորախորհուրդ, Եւ ո՞վ իմացաւ ճանապարՀները Քո Հագարուդի... Ոչ ոք տիեղերքում՝ երկինքների մէջ ոչ մի անուանում՝ Պետութիւն, կղզի, թագաւորութիւն կամ իշխանութիւն Զորութիւն չունե՛ն ընկալելու Սուրբ ԳոլակցուԹիւնդ, Քանգի Քեզանով, Քեզնից եւ դէպի Քե՛ղ է ամեն բան<sup>66</sup>, Մշտն9ենաշունչ – ՑաւերժաՀոգի Տէ՛ր ամենայնի։ Դու անմթութիւն Լոյս ես, բայց նաեւ թանձր մառախուդ, Անդիմանալի սառնուԹիւն, բայց եւ սպառող կրակ<sup>67</sup>, Ապրեցնող, բայց եւ շունչը վեր առնող<sup>68</sup>,

Բժշկող, բայց եւ խորշակահարող, Բարձրացնող, բայց եւ պատիւն արգելող<sup>69</sup>, Թագաւորեցնող, բայց եւ ի դժոխք գահավիժեցնող<sup>70</sup>,

Որդեգրող, բայց եւ կեանքի մատեանից անուններ ջնջող,

Հոգատար Հովիւ<sup>71</sup>, միաժամանակ Հրեշտակների սատակիչ գնդի ԱՀեղ Կարգադիր<sup>72</sup>,

Հեզասիրտ ծառա, սակայն էուԹեամբ Փառքերի Արքայ,

ՄաՀապարտեալ սուրբ, սակայն ի բնէ ԱնյաղԹ Զորական,

Մաքսաւորների, մեղաւորների բարեկամ<sup>73</sup>, սակայն


Ըստ երկնային Հոր նախասահմանման` Տէ՛ր – Աւծեա՛լ – Փրկի՛չ<sup>74</sup>...

Ուրեմն, փառք Քեղ, ՔաՀանայ սրբոց, Ո՜վ պատարագներ ընդունող Աստուած, Աւդի իշխանի իշխանուԹիւնը<sup>75</sup> Խափանել կարող Միակ Աւրէնսդիր<sup>76</sup>, Որ գաւազանով բերանիդ` պիտի զարկես աշխարհը<sup>77</sup>

Եւ բարկուԹեանդ Հոգով` արդարոց Վրէժը առնես ամբարիշտներից։ Գիտենք, խոսել ես եւ չես ուշացնի Գալուստիդ Ժամը<sup>78</sup>։

Արդ աղաչում եմ, որ յաղԹանակիդ զորահանդէսին

Կցորդ լինելու երանուԹիւնը Արտոնես եւ ինձ` Քեզ յուսացածիս, Որ որպէս փառքի երաշխաւորեալ Ծառայ` ես ե՛ւս Համարւեմ որդի Յաւիտենիցս յաւիտեան. Ամէն։



Աստուած իմ, դարձեալ ոտքս սայթաքեց ճամփից ուղղութեան,

Եւ անաւրէնի լարած ծուղակը նորից գտաւ ինձ...

Արդ, աղոթեքներիս շարադրանքն իբրեւ Ապաշխարութեան կնքւած գրութիւն` Յանձնում եմ Քո Սուրբ ողորմութեանը, Ո՜վ սրտեր քննող, Հոգիներ կշռող, Ոգիներ դատող, ԽորՀուրդներ տեսնող, Մտքեր կարդացող, Գաղտնիքներ յայտնող Տէր ամենիմաց, Յաւերժ կատարեալ, Հարատեւ արդար, Յաւիտեանս սուրբ, Միակ Սիրելի՜. Անշարժելի Հիմ, Անդոդւելի Վեմ<sup>79</sup>. Ամուր Ապառաժ, Հաստատուն Ժալռ... Անարատ – անբիծ, Անխախար – անեղծ, Անխափան – անկեղծ, Անխաւար – անչար, Անխարդախ – անսուտ, Անոխ – անփոփոխ, Անպարտ – աներկիւդ, Անվախ – անսոսկում, Անմահ – անվախճան, Անսասան – անլադԹ, Անհաս – աննուաճ... Բնո'լ թանչելի, Է' դարմանալի, Բա'ն Հրաշալի...

Եւ էլ ի՞նչ ասեմ. Զորութիւնս շատ տկար է` Լոյսդ Ըստ արժանւոյնս գնահատելու, Իսկ գիտելիքս` ՀարսնաՀանդեսիդ Սեղանից ընկած սոսկ մի փշրանք է Եւ ընդունակ չէ Հասկանալու սուրբ երկնաշերտերդ,

Քանզի Հիւծել եմ անձս կրքերով այլաբովանդակ

Ու յանձնւելով մարմնիս կամքին՝ Սիրտս դարձրել եմ գայթակղութեան պարկ, Եղկութեան անոթ, Գիջութեան տարայ, Զագրանթի տաճար, Ագահութեան տուն, ԳարշուԹեան վրան, Բանսարկութեան տեղ, Պոռնկութեան վայր, Շնութեան կայան, Խեղութեան մատոլգ, Կրքի ելակէտ, Ծաղրի ասպարեզ, Լրբութեան Հարթակ, Բամբասանքի բեմ, Մատնութեան ամբիոն,

Պղծութեան ծրար...

Ո՜Հ, Տէր իմ, Փրկի՜չ – Սատարի՜չ – Թողի՜չ, Բաշխի՜չ – Ամոքի՜չ, Հասի՛ր, պաշտպանի՛ր. Կործանումն ահեղ ալիքներ կազմած` գրոհում է ինձ,

Ամայութիւնը քաղցկեղի նման

չոքել է շեմիս,

Իսկ աւերումը` կատաղած շան պէս Բռնել է փեշս ու բաց չի Թողնում... Ո՜վ, բարեհանճար, ներողասիրտ Տէր, Ինչպէս Եզեկիա ծառայիդ լացը Լսեցիր եւ սուրբ մխիԹարուԹեամբ Սփոփեցիր մահուան մահճում պառկածին<sup>80</sup>,– Այնպէս բժշկիր սգաւոր հոգիս` Գերեզմանոցի ախտաժետումից,

մեղքիս պատճառով<sup>81</sup>...


Տէր, կենդանացրու շունչս վերստին Ու Քո գԹասէր Անձում ամբարւած ԱւրՀնուԹեան ցողով սիրտս սԹափեցրու մաՀուան Թմբիրից,

Որ ազատութեան ծառաների պէս<sup>82</sup>

Ե՛ս էլ Համարւեմ փառքի ժառանգորդ, ՍրբուԹեան կրող, լոյսի մասնակից, կեանքի որդեգիր... Ու Թող Քեղ լինի պատիւ, վայելչանք, սաղմոսերգուԹիւն, Ջի Դու ես Ե՛Մ–ը<sup>83</sup>` Ամենն ամենում`

Ամէն։ Փառը Քեղ, Տէր, փա′ռը. Ալէլուիա՛։

Անժամանցելի Հոգին տիեզերքի։



Աբրահամի Տէր, Իսահակի Յոյս, Յակոբի Երկիւղ, Իսրայէլի փառք, Յուդային ԱւրՀնող, Ղեւիին Սրբող, Մովսէսին Ընտրող, Յեսուին Աւծող, Ռախաբին Ներող, Ցոբին Պաշտպանող, Սամուէլին Լսող, Դաւթին Ցաղթեցնող... Տէ՛ր սարսափազդու, Ծագում կուրացնող<sup>84</sup>, Լո՛յս բազմատագնապ<sup>85</sup>, Հո՛ւր զարՀուրելի, Կրա՛կ սոսկալի, Բո՛ց զարզանդեցնող, Հրդե՛Հ սարսռող, Որ Քո երեսի սաստից փախչում է զորաց երկինքը<sup>86</sup>, Իսկ լուսնի դէմքը դառնում է արիւն<sup>87</sup>։ Քո ներկայուԹեան մէջ ստուերւում է աստղերի փայլը,

Նսեմանում է փառքն արեգակի, Քեզ Հանդիպելու աՀից սկսում են սարերը` Հայւել,

Ժայռերը ճեղքւել, Հողը դողդողալ, Գետը նահանջել, Ծովը փրփրել... Այլ միայն ե՞ս եմ, որ քարացրել եմ Սիրտս` կրքերով տարփամոլուԹեան Եւ իմ անպատկառ վարքով շարունակ բարկացնում եմ Քեղ,

Ո՜վ Համբերատար երկայնամիտ Տէր... Ու Թէ յետ նայեմ, կտեսնեմ մի բան, Որ Երեմիայի բոլոր ողբերը Մեղքերով առատ վիճակիս ուղիղ պատկերն են, որտեղ

Մարգարէն ասես իմ անապաշխար Հոգու մաղձե՜րն է լալով Թւարկում, Նոյնկերպ էլ` ԴաւԹի փառաբանուԹեան Ու գովերգուԹեան սաղմոսներն ամեն Երախտամոռիս չասւած խոսքերն են, Որ իմ փոխարէն շնորհալի սուրբն Իբրեւ ճշմարիտ բարեխոսուԹիւն`

Ո՜վ արդարների աղաղակները ընդունող Աստուած,

խնկարկում է Քեդ,

Որ Աբրահամի աղերսականչով խղճացիր Ղովտին<sup>88</sup> Ու խնայեցիր լափող ծծումբից<sup>89</sup>...

Առյաւէտ աւրՀնեալ, յաւիտեանս սուրբ, Տէր Ամենողորմ, Ինչպէս Եղիայի աղոխքով իսկոյն Կենդանացրեցիր սգաւոր կնոջ անշունչ գաւակին<sup>90</sup>, Կամ Եղիսէի ԹախանձողուԹեամբ Իւղով լցրեցիր որբեւայրիի

ամաններն ամեն<sup>91</sup>,

Թող որ Քո առջեւ պատւական լինի Նաեւ ինձ Համար կանչողի ձայնը... Մի՛ յիշատակիր Հանցանքներս բիւր, Որոնք երկրից երկինք` սեան կերպով Հառնել են որպէս ամբարշտուԹեան խորՀրդապատում։

Այլ քաղցր աչքով նայիր ընկածիս, Որ կամենում եմ Քո զորակցուԹեամբ բարձրանալ ոտքի։

Քանզի եթէ ինձ դատես աւրէնքիդ Դոյգն-իսկ խստութեամբ,

պիտի կործանւեմ.

Թէ առանց աւրէնք` նոյնպէս մաՀն է իմ դատավճիռը...

Արդ, փրկուԹեանս միակ Հնարն այն զոՀաբերումն է,


Որ ԳողգոԹայի վրայ գործեցիր` Խաչիդ միջոցով` ՎերՀաստատելով այն գրւածքները, Որ զետեղել էին մարգարէները իրենց ԹղԹերում...

ԳոՀանում եմ, Տէր Յիսուս Քրիստոս, փա՜ռը Քեղ լաւիտեան,

Մեղքերս Թողնող, Հանցանքս ներող, Արցունքս սրբող, Վիշտս վեր առնող, Ցաւս ամոքող, Մահս կասեցնող։ Երկնային Պարգեւ, Շնորհ Գերագոյն, Տուրթ Անմնագորդ, Սէր տիեցերական, Հաւատ անվախճան, Խոստում անփոփոխ, Խաղաղութեան Ցոլթ, Ուրախութեան Փայլ, ԳԹուԹեան ցայտմունը, Մխիթարութեան անսպառ բխում, Քեղ Հազար աւրՀնանը...

Քեզ բիւր խոնարհում, Որ սփոփանքդ վաղորդեան ցողի Նման իջեցրիր երկնքից, ինչպէս քաղցր մանանայ, Ու իմ խաւարած Հոգին վերստին առկայծեց յոյսով...

Ամէն եւ ամէն եւ ալէլուիա.



Իմ Տէր, իմ Աստուած, իմ Հանգստութիւն, Կեանքիս աւրերը զուարԹացնող Սուրբ. Սրտիս ամոքիչ, Անձիս Բարերար, Հոգուս փրկութեան Երկնային Զրահ, Հաւատրիս Վահան<sup>92</sup>, Յոլսիս Սաղաւարտ, Պատերացմիս Սուր, Փառրիս Ծածանում, ՅաղԹուԹեանս Լուր, Ճշմարտութիւնս ամրացնող գոտի, Արդարութիւնս Հաստատող բեհեղ<sup>93</sup>, Իրաւունքներս գործադրող բազուկ, Ճանապարհներս հա9ողեցնող ձեռը, Դատաստաններս վճռող մական...

Լսի′ր կոտրւած սրտով աղքատիս աղերսանքները,

Ում յոյսը իր մոր արգանդից Դո՛ւ ես... Ինչո՞ւ ես լռում, զարԹնի՜ր, Ով Հզոր. Վե՛ր առ զայրոյԹիդ նետերն ու Հեծիր Քերովբէների Թեւերի վրայ, Սլացքդ ուղղիր դէպի աշխարՀի չորս անկիւնները`

Քեզ սպասողներին աւժանդակելու. Քանզի Թշնամին դարան է մտել` Հոգով խոնարՀին կորցնելու Համար Եւ անմեղների կեանքը որսալու ՈրոգայԹներ է շարել ամենուր։ Արդ, փայլատակի՛ր Քո սրբուԹեան մէջ, Բացի՛ր կայծակի շտեմարանները

Շարժի՛ր երկիրը, Ծովերը խառնի՛ր, Անդունդի գուբից մառախուղները ժողովիր մէկտեղ

զարկող կարկուտով.

Եւ բարկութեանդ շանթերն արձակիր՝

Ու սրամտութեան ցասումդ փչիր

Մրրկի ուժգնութեամբ, ձայնով ամբոխի. Թող Անաւրէնի վախճանն երեւայ Եւ ամբարիշտը վերջապէս զգայ Իր գարշ էութեան ճղճիմութիւնը... Յաւիտեանների յաւերժ Տիրակալ, Որոտա՛ երկնից փառքերի միջից, Փայլի՛ր Սուրբ Հոգուդ կատարելութեամբ Եւ վաուող փռի նման յայտնւիր`

Հուր Հանդերձանքով.

Մի՛ Թող, որ չարի կորուստն ուշանայ, Հապա վրեժիդ բաժակը շուտով Խմեցրու Քո դէմ ապստամբածներին, Որ բամբասանքը այրւի դժոխքի տարտարոսներում,

ԲանսարկուԹիւնը սպաուի` Հնոցի բոցով բռնւած,

Գայթակղութիւնը անկումն իր տեսնի, Գուշակութիւնը ամոթահարւի, Ծաղրը ծաղրւի,

Սուտը մերկանայ,

Գերեզմանոցի երախը լափի

կախարդուԹեանը,

Եւ պոռնկուԹեան Հատուցումն Հասցնի ծծումբի լճով...

Սակայն երեսիդ պայծառութիւնը, Թող արեւի պէս

Ծագի Անունդ ճշմարտութիւնով կանչողների մէջ,

Որ լոյսի որդիքն իսկուԹեամբ վայելեն շաբաԹներդ սուրբ.

Թող քաղցրուԹեանդ շողերը Հանգչեն Հեզերի վրայ`

Իբրեւ ապացոյց,

Որ բարեպաշտի Հատուցումն իրեն սպասեցնել չի տայ.


Եւ աւրՀնութեանդ շողը թող իջնի ու միլիթարի

Խաղաղութեան մէջ գնացողներին, Քանզի սրտով Քե՜զ ապաւինեցին... Իսկ Յիսուս Որդուդ, Ով Իր Սուրբ Անձը Որպէս քաւութեան պատարագ դրեց զոՀասեղանին

Ու վարագոյրը, որով զատւած էինք Դրախտի փառքից, պատռեց վերից վար` Բացելով դէպի Կենաց ծառ տանող արդելւած ուղին,

Նրան ու միայն Նրան լինի փառք, Երախտիք, ընծայ, ՀաւատարմուԹիւն, Ուխտ ու նուիրում` Ազգից մինչեւ ազգ, Երկնից երկինքներ, Աստղերից աստղեր Եւ յաւիտենից յաւիտենուԹիւն։

Ամէն եւ ամէն եւ այէլուիա...



Արդ գոհանում եմ Քեզնից, Աստուած իմ, Որ կանգնեցնում ես ինձ, երբ ընկնում եմ, Որ ազատում ես ինձ մահուան վարմից, երբ սայժաքում եմ,

Որ ձեռքս բռնած` ինձ դուրս ես քաշում խաւարի ձորից

Եւ ուղեկցում ես անձս փառքից փառք` Առաջնորդելով այնպիսի վայրեր, Որտեղ Քո աւրՀնած արտերի Թանձր բոյրն է<sup>94</sup> ամենուր`

Այն արոտները, ուր ժամանակին Յակոբ ծառայիդ խաշինքն էր քայլում...

Փա՜ռք Քեղ, Աստուած իմ. փառք Քեղ, կենաց Տէր, Փա՜ռք փրկուԹեանս Երաշխաւորիդ, Փա՜ռք աղոխքներիս Երախտաւորիդ, Փա՜ռք սաղմոսներիս շունչ Հաղորդողիդ, Փա՜ռք գովեստաւոր Արժանաւորիդ, Բիւրաւոր եւ բիւր փա՜ռք Քեզ` Աւծեալիդ, Հազար ու մի փա՜ռք տիեզերքների Ախոռակալիդ, Յաւերժ փա՜ռք, Վերին Երուսաղէմի

աււրտ դառք, Հորըս ծրուսադրը Սրբիդ<sup>95</sup>, Յաւիտեանս փառք, երկնից խորանի

Յաւիտեանս փառք, երկնից խորանի Մշտաբնակիդ։

Քո բարձրուԹիւնը վեհացնում է մեզ. փա՜ռք Քեզ` Բարձրեալիդ,

Քո վեհուԹիւնը բարձրացնում է մեզ. փա՜ռք Քեզ` Վեհեալիդ,

Քո զորութիւնը սրբացնում է մեզ. փա՜ռք Զորաւորիդ,

Քո սրբութիւնը զորացնում է մեզ. փա՜ռք Սրբաւորիդ,

Քո մեծուխիւնը սքանչեցնում է մեզ. փա՜ռը Մեծաւորիդ,

Քո սքանչուԹիւնը մեծացնում է մեզ. փա՜ռք Սքանչաւորիդ... դէպի կացդուրում. աւրՀնեա՛լ Թող լինի, Քո Հոգու սէրը։ Երեսիդ լոյսր Հորդորում է մեդ դէպի ԹողուԹիւն. աւրՀնեա՛լ Թող լինի Երեսիդ լոյսը։ Քո պատգամները լուսադրում են մեզ դէպի փրկութիւն. աւրՀնեա՛լ Թող լինեն Քո պատգամները։ Անուանդ ոլժը ուղղորդում է մեզ՝ դէպի լաղԹուԹիւն. աւրՀնեա՛լ Թող լինի Անուանդ ոյժը։ Դատաստաններդ ողորմութեամբ են. աւրՀնութիւն եւ փա'ռթ Քեղ՝ Անաչառիդ։ Ողորմութիւնդ ճշմարտութեամբ է. աւրՀնուԹիւն եւ փա′ռթ

Քեղ` Քաւչարարիդ։ ՃշմարտուԹիւնդ արդարուԹեամբ է.

աւրՀնութիւն եւ փա՜ռք Քեզ` Մխիթարչիդ։ Արդարութիւնդ խաղաղութեամբ է. աւրՀնութիւն եւ փա՜ռք Հարուցանողիդ։

Խաղաղու**թիւնդ ուրախութեամբ է.** աւրՀնութիւն եւ փա՜ռք Հաւատարիմիդ<sup>96</sup>։ Ուրախութիւնդ իրաւունքով է,
աւրՀնութիւն եւ փա՜ռք ԽորՀրդաւորիդ։
Իրաւունքներդ ուղղութիւնով են,
աւրՀնութիւն եւ փա՜ռք Քեզ` Գեղեցիկիդ։
Ուղղութիւններդ առյաւէտ սուրբ են,
աւրՀնութիւն եւ փա՜ռք

ՇնորՀակալ ենք Քեզանից, Հայր մեր, ԳոՀանում ենք, որ Խաչի զորութեան ծածուկ խորՀուրդը Յայտնում ես սրտով Քեզ սիրողներին` Այն արդարներին, ովքեր որ ճերմակ

Այն արդարներին, ովքեր որ ճերմակ Բեհեզ են հագնում` իբրեւ պատմուճան Եւ իրենց վրայ կրում են Որդուդ Անուան դրոշմր<sup>97</sup>։


Գիտենք, Աստուած մեր, Դու նրանց Համար Քո ծոցում պաՀւած` Հատուկ փառք ունես`

Յաւիտենական կեանքի պսա՜կը... Արդ, աղաչում ենք, մեզ արդարացրո՜ւ Թագաւորական Գալուստիդ Ժամին, Որ երկրիս բոլոր լայնուԹիւններում, ԲարձրուԹիւններում, խորուԹիւններում, Անդունդների մէջ, լեռների վրայ ու ծովերի տակ

Ամեն մարմին, շունչ, Հոգի յայտնապէս Տեսնի սրբերիդ եւ անսուրբերի տարբերուԹիւնը<sup>98</sup>։

Ու Թող յաւիտեան Քեղ եւ միայն Քե՜զ Վերառաքւի փառք, պատիւ, վայելչանք, ՇնորՀ, աւծուԹիւն։

Ամէն եւ ամէն։



«Սկզբումն էր Բանը. եւ Բանն Աստուծոյ մոտ էր. եւ Բանն Աստուած էր։ Նա սկզբումն Աստուծոյ մոտ էր։ Ամեն ինչ նորանով եղաւ, եւ առանց նորան ոչինչ չ'եղաւ, ինչ որ եղաւ։ Նորանով էր կեանքը, եւ կեանքը մարդկանց լոյսն էր։ Եւ լոյսը խաւարումը լոյս է տալիս. եւ խաւարը չ'իմացաւ նորան։ Եւ Բանը մարմին եղաւ` եւ բնակւեց մեր մէջ. եւ նորա փառքը տեսանք` ինչպէս <որից եղած միածնի փառք` շնորհքով եւ ձշմարտութիւնով լիքը։ Որովհետեւ աւրէնքը Մովսէսի ձեռովը տրուեցաւ. շնորհքը եւ ձշմարտութիւնը Յիսուս Քրիստոսի ձեռովն եղա։ Աստուծուն ոչ ով երբէք չէր տեսել. բայց Միածին Որդին, <որ ծոցումը լինողը, նա պատմեց» (Յովհ. 1.1–5,17,18)

- Տէր Յիսուս Քրիստոս, Որդի Աստուծոյ, Թագաւորների Թագաւոր ԱՀեղ<sup>99</sup>, Փառաց Փառաւոր, Մեծաց Մեծաւոր, Զորաց Զորաւոր, Վսեմաց Վսեմ. Փա՜ռք Քեղ, փա՜ռք Քեղ, փա՜ռք. Թող աւրՀնեա՜լ լինի, Ծնունդդ Բարի` ի յաւիտեանս. Թող աւրՀնեա՜լ լինի ԱշխարՀգալուստդ` ի յաւիտեանս. Թող աւրՀնեա՜լ լինի Համբարձումդ Սուրբ` ի յաւիտեանս.

Թող աւրՀնեա՛լ լինի Երկրորդ Գալուստդ՝

ի յաւիտեանս.

Բան զարմանալի, Անուն բարձրախոհ, Խորհուրդ անմեկին, ԲնոյԹ անփոփոխ, Անձ հաւատարիմ, Է անդաւաճան, Վէմ անշարժելի, Ապառաժ ամուր,

Ժայռ անդրդւելի,

Աղբիւր ԹարմուԹեան, Ծով երանուԹեան... Աստուծուց վկայւած

Մշտնջենաւոր Քահանայապետ<sup>100</sup>,

Երկնային Տաճար, ՍրբուԹիւն Սրբոց, Ուխտի Տապանակ, Լոյսի Աշտանակ, Խնկարկման Բուրվառ,

Զրի Աւազան,

Բուրաւետ իւղի Ոսկէ Շտեմարան,

Քերովբէների փառահանդեսի

ԱւրՀնեալ Առաջնորդ,

Հրեշտակազոր գնդերի Աւծեալ

Հրամանատար.

Կենսաբաշխ Իշխան, Փառքերի Տեսուչ, Հոգիների Տէր, Ոգիների Պետ, Մարգարէական խոսքի Կատարում<sup>յоյ</sup>,

Աւրէնքի Լրում...

Հանցաւորներիս փրկուԹեան Համար Մատուցւած Ընծայ.– Մեդրի Պատարագ<sup>102</sup>, Խաղաղութեան ԶոՀ, Փրկութեան Վճար... Քեղնից է բխում լաւերժութիւնը, Քեզնի՛ց է Հորդում շունչը ամենքիս, Քո՛ մէ) մենք գտանք եոԹներորդ աւրուայ ՀանգստուԹիւնը, Քեղնո՛վ Հասկացանք պատւիրանների արդարուԹիւնը, Քեզնո՛վ իմացանք սրբոց Գրքերի Հաստատութիւնը, Քեզնո՛վ է կեանքը, Քեզնով է յոյսը, Դո′ւ ես Հաւատր<sup>103</sup>, Դո՛ւ ես Հայր Աստուծոյ սիրոյ ճշմարիտ

Դո՛ւ ես Հայր Աստուծոյ սիրոյ ճշմարիտ Անձնաւորումը, Դո՛ւ ես Հայր Աստուծոյ կամքի իրական

Դո՛ւ ես Հայր Աստուծոյ կամքի իրական Նախանձաւորը,

Նաեւ Դո՛ւ եղար Մեզ Համար Քաղցր Մանանայ, երբ դեռ անապատում էինք... Արդ, աւրՀնեալ եղիր ի յաւիտեանս, Միածնունդ Սուրբ, Որ երկիր գալով` մեր Հոգիներում ՎերարԹնացրեցիր դրախտի մասին յիշողուԹիւնը.


Որ գերեզմանի փառքն ունայնացրիր Քո Սուրբ ՅարուԹեամբ,

ՄաՀն ընկղմեցիր անմաՀուԹեան մէջ Եւ խափանելով խաչի անէծքը` Փոխակերպեցիր այն Կենաց Ծառի անգին խորՀրդի...

Երկրպագու**թիւն եւ վայելչութիւն** Քեղ` Սքանչելիի՜դ<sup>104</sup>, ԳոՀաբանութիւն եւ խոնարՀութիւն Քեղ` Սիրելիի՜դ<sup>105</sup>,

Սաղմոսերգութիւն եւ մեծարանքներ Հարուցեալների մէջ Անդրանիկի՜դ<sup>106</sup>, Փառականչութիւն եւ բիւր երախտիք Ամենակալի աջում Բազմածի՜դ<sup>107</sup>, Ցնծութեան գոչեր եւ ծնրադրութիւն Երկնաւորների եւ մարդկանց միջեւ Միակ Արտոնեալ Բարեխոսողի՜դ<sup>108</sup>. Մինչեւ Հազար ազգ աւրՀնախոսութիւն Քեզ կանչողներիս ձայնը Լսողի՜դ. Երկրից երկինք փա՜ռք` Մեղաւորներիս սրբագործելու Միակ Կարողի՜դ...

> Ալէլուիա, փառք։ Ամէն եւ ամէն. փա՜ռք, ալէլուիա։



- Փա′որ Քեղ, Աստուած իմ, Փառը Քեղ, երկնային յաւերժութեան Տէր. Կեանքիս Արշալոյս, Հաւատքիս Աստղ, Յոլսիս Արեգակ, Անսպառ Շնորհ, Առատ ԳԹուԹիւն, Լի Ողորմութիւն, Չնուագող Սէր, Ուրախութեան Տոն, Խոստացւած Հանգիստ, Թագաւո<sup>′</sup>ը լոյսի, Ակո՛ւնը հանճարի, Հա՛յր իմաստութեան, ԿատարելուԹեան անՀաս բարձրուԹիւն,

Ամենքից աւրՀնեալ` ի յաւիտեանս։ Ամէն եւ ամէն։

Ո՜վ Սրբազան Տէր, Դու, որ բազմում ես քերովբէների Թեւերի վրայ,

Քո աՀեղ գաՀից լսիր աղոԹքիս անեղծ Թախանձը

Եւ անձս բուժիր լիմարութիւնից, Որն աւշինդրի դառնութեամբ աՀա պատել է քիմքս...

Ինձ սովորեցրու Քո առակների ծածկուԹիւնները,

Հասկացրու խորին խորհուրդը Բանի, Յայտնիր անխարդախ աստուածպաշտուխեան ծածուկ շերտերը

Եւ գիտութիւնդ ցողի պէս թող գայ Ու զով Հպումով Հոգիս արթնացնի տրտմութեան քնից<sup>ոց</sup>՝

Այն փորձութիւնից, որ Գեթսեմանի Պարտեզում Հասաւ առաքեալներիդ,

երբ որ գիշեր էր¹¹0...

Ո՛Հ, Տէր, պաշտպանիր... Ո՛Հ, Տէր, Հաջողիր.

Զի ամբարիշտի գոռող բերանը բացւել է իմ դէմ, Եւ նախատական ՀայՀոլանքներով քարկոծում են ինձ. Տէր, աւգնի′ը... փրկի′ը... Քո սուրբ Հովանին որպէս ամպի սիւն տարածիր վրաս, Որ չխոտորւեմ պատւիրաններիդ ուղուց` ա9 կամ ձախ` Ական9ս տալով անաւրէնների գարշելի կամքին, Որոնց փափագր Բահաղիմներին ցոհ մատուցելն է Եւ ԱստարովԹին երկրպագելը... Հաւատարիմ Սուրբ, Աստուա՜ծ ամենայն առաքինութեան, Հեռացրո՛ւ ինձնից Բաբելոնի պիղծ գայթակղութիւնը Եւ պատսպարիր ծառայիդ Հոգին աւտար կնո9ից<sup>111</sup>, Որ ∮անք է անում նենգաւոր լեզուի շողոքորԹուԹեամբ

Շունչս խորտակել դժոխքի գուբում, Ինչպէս Դալիլան խաբեց Սամփսոնին իր պոռնկուԹեամբ<sup>112</sup>`

Մատնելով նրա կեանքը ոսոխին... Խնդրո՜ւմ եմ, Տէր իմ, Մի՛ Թող սայԹաքեմ անառակուԹեան որոգայԹի մէջ,

Որտեղ գեհենի անշէջ կրակն ու ծծումբի լիճն է։

Այլ արդարութեան մշտափայլ լույսը Որպէս սուրբ դրոշմ կնքիր ճակատիս` Իբրեւ մի նշան, թէ յաւիտեանս

Քե՛զ եմ պատկանում։


Ոտքս Հաստատիր խաղաղուԹեան մէջ, Ձեռքս զորացրու դէպի յաղԹանակ, Աւրէնքդ գրիր սրտիս մարմնեղեն Տախտակին` որպէս փրկուԹեան գրաւ, Իսկ իրաւունքդ կաշէ գոտու պէս

փաԹաԹիր մէջքիս,

Որպէսզի երկրից երկինք ծածանւող Ծիածանափառ դրոշիդ ներքոյ,

Որդուդ շնորհով

Եւ սպասարկուԹեամբ Հրեշտակների`
ե՛ս էլ արտոնւեմ
Մտնելու Վերին Երուսաղէմի<sup>113</sup>
դարպասներից ներս,
Որտեղ Արեւն ու Տաճարը Դո՛ւ ես,
Ո՛վ Ամենակալ<sup>114</sup>,
Ուր Քե՛զ են ուղղւած սրբերի բոլոր
գովասանքները,
Մեծարանքները եւ սաղմոսները`



– Տալիթա՛, կումի<sup>ոյ</sup> (Ո՜վ աղջիկ, վե՛ր կաց),– Աստուած է խոսում,– Եփփաթա<sup>ոյն</sup> (Բացւի՛ր)...

Տէ՛րն է վճռում. դժո՛խք, պապանձւի՛ր,

Տէ՜րն է կամենում. իջի՜ր, մանանայ<sup>117</sup>,

Տէ′րն է պատւիրում. ծաղկի′ր, գաւազանու,

Տէ′րն է կարգադրում.

ջո՛ւր, դարձի՛ր գինի<sup>119</sup>...

ԱւրՀնի՛ր Տիրոջը, անձ իմ շնչաւոր, ասա` Փա՜ռք Աստուծոյն,

ԱւրՀնի՛ր Տիրո<u>ջը, սիրտ խոր</u>Հրդաւոր, ասա` Փա՜ռք Աստուծոյն,

ԱւրՀնի՛ր Տիրո<u>ջը, իմ կամ</u>ք... իմ զգացմունք, ասա` Փա՜ռք Աստուծոյն,

ԱւրՀնէ՛ք Տիրոջը, իմ երիկամունք, ասէք` Փա՜ռք Աստուծոյն, ԱւրՀնի՛ր Տիրոջը, ով, իմ էուԹիւն, ասա՝ Փա՛ռք Աստուծոյն, ԱւրՀնի՛ր Տիրոջը, Հոգուս խնդուԹիւն, ասա՝ Փա՛ռք Աստուծոյն...

ԱւրՀնեցէ՜ք Տիրոջ վայելչուԹիւնը, տիեզերքներ բոլոր, ԱւրՀնեցէ՜ք Տիրոջ պայծառուԹիւնը, աստղեր բիւրաւոր, ԱւրՀնեցէ՜ք Տիրոջ զորուԹեան Լոյսը, երկինք ու երկիր, ԱւրՀնեցէ՜ք Տիրոջ գերազանց փառքը, արեւ ու լուսին...

ԱւրՀնեա՛լ է Տէրը եւ սքանչելի.
այս է վկայում ցողն առաւոտի,
ԱւրՀնեա՛լ է Տէրը եւ Հրաշալի.
այս է աւետում շուշանը դաշտի,
ԱւրՀնեա՛լ է Տէրը եւ զարմանալի.
այս է իմացնում եղնիկն անտառի,
ԱւրՀնեա՛լ է Տէրը եւ Հիանալի.
այս է հասկացնում Հաւքը երկնքի...

Պանծալի՜ է Տէրն Իր բարձր դիրքում.

Թող որ վկայեն Քերովբէները,
ԱՀե՜ղ է Տէրն իր դատաստաններում.

Թող որ վկայեն Սերովբէները,
ՅաղԹո՜ղ է Տէրն իր պատերազմներում.

Թող որ վկայեն Հրեշտակները,
Վսե՜մ է Տէրն իր յաղԹանակներում.

Թող որ վկայեն ՋուարԹունները...

Տէրը երեւաց Իր սրբուԹեան մէջ. փոԹորի՛կ, սաստւի՛ր, կա՛նգ առ, Արեգակ<sup>լ20</sup>, Տէրն յայտնւեց իր արդարուԹեան մէջ.

Հանդարտուէ՛ք, ծովի գոռոզ ալիքներ<sup>121</sup>, Տէրը գալիս է մեծափառուԹեամբ. ժայռ, պատուի՛ր, վէ՛մ, աղբիւրացիր<sup>122</sup>, Տէրը խոսում է յանդիմանուԹեամբ. սարեր, ցատկոտէ՛ք այծեամների պէս...

Կանչէք Ովսաննա՛ Զորաց Արքային. Ո՜Հ, ալէլուիա՛, Կանչէք Ովսաննա՛ Փառաց Իշխանին. Ո՜Հ, ալէլուիա՛, Կանչէր Ովսաննա՝ Կենադ Տեսուչին. NS. witinihm'. Կանչէք Ովսաննա՝ Լոյսի Տիրոջը. Ոհ, այէլուհա′...

Սաղմո՛ս երգեցէը, փնարեցէր Նրա երկնային սէրը. փա՜ռը ի բարձունս։ Սաղմո՛ս երգեցէը, խնդրեցէք Նրա կատարեալ սէրը. փա՜ռը ի բարձունս։ Սաղմո՛ս երգեցէը,

փա՜ռը ի բարձունս։ Սաղմո՛ս երդեզէը, մեծարէք Նրա անվախճան սէրը.

գովեցէք Նրա անսահման սէրը.

փա՛ռը ի բարձունս...

Անպատմելի է Տիրո) Ծնունդր եւ առլաւէտ՝ սուրբ. երանի' Աստուծոլ ողորմածներին<sup>123</sup>, Անճառելի է Տիրո9 Անունը

եւ առյաւէտ սուրբ.

երանի՜ Աստուծոյ ողորմածներին։

Անմեկնելի է Տիրոջ ընԹացքը

եւ առյաւէտ սուրբ.

երանի՜ Աստուծոյ ողորմածներին։

Անհաշւելի է Տիրոջ շնորհը

եւ առյաւէտ սուրբ.

երանի՛ Աստուծոյ ողորմածներին...

Բարի է Տէրը ի յաւիտեանս.

Ամէն եւ ամէն,

ԳԹած է Տէրը ի յաւիտեանս.

Ամէն եւ ամէն։

Անաչառ է Տէրն ի յաւիտեանս.

Ամէն եւ ամէն,

Յուսալի է Տէրն ի յաւիտեանս.


Ամէն եւ ամէն։

Պաշտելի է Տէրն ի յաւիտեանս.

Ամէն եւ ամէն,

Ապաւէն է Տէրն ի յաւիտեանս.

Ամէն եւ ամէն...



Սո՛ւրբ է Տէրը, իմ Տէրը.

փա′ոք Յիսուսին՝ Քրիստոսին։

Փառաւո՛ր է իմ Տէրը.

փա′ոք Յիսուսին՝ Քրիստոսին։

Մեծանո՛ւն է իմ Տէրը.

փա′ոք Յիսուսին` Քրիստոսին։

Կատարեա՛լ է իմ Տէրը.

փա′ոք Յիսուսին` Քրիստոսին։

Գթա՛ծ է Տէրն, իմ Տէրը.

արթնացէ՛ք, Մարան աթա<sup>124</sup>։

Ներո՛ղ է Տէրն, իմ Տէրը.

կանչեցէ՛ք` Մարան աԹա։

Ողորմա՜ծ է իմ Տէրը.

երգեցէ՛ք` Մարան աԹա։

Բժշկո<mark>՜</mark>ղ է իմ Տէրը.

ցնծացէ՛ք` Մարան ախա։

Տէրը լսեց աղոթեքն իմ.

յաւերժ փա՜ռք ի բարձունս։

Տէրը տեսաւ զղջումն իմ.

յաւերժ փա՜ռք ի բարձունս։

Տէրը ջնջեց մեղքերն իմ.

յաւերժ փա՛ռք ի բարձունս։

Տէրը սրբեց արցունքն իմ.

յաւերժ փա՜ռք ի բարձունս։

ԱւրՀնեա՛լ ես Դու, յաւիտեան.

փա′ռք Քեզ, Աւծեալ Թագաւոր։

Գովեա՛լ ես Դու յաւիտեան.


փա՜ռք Քեղ, ԱՀեղ Դատաւոր։

Սքանչելի՛ ես, յաւիտեան.

փա′ոք Քեղ, Բարի Վարդապետ։

Սիրելի՛ ես, յաւիտեան.

փա′ոք Քեղ, Յաղթող Ջորապետ։



Քրիստոս յարեաւ ի մեռելոց. Մեզ եւ ձեզ մեծ աւետիս, Քրիստոս յարեաւ ի մեռելոց. յուրախութիւն աշխարհիս։ Քրիստոս յարեաւ ի մեռելոց. ձայն տուէք քնածներին<sup>125</sup>, Քրիստոս յարեաւ ի մեռելոց.

Աստուծոյ կամքը կատարւեց. դժոխքն ընկաւ պարտուԹեամբ, Աստուծոյ կամքը կատարւեց. մահուան փառքն ունայնացաւ։ Աստուծոյ կամքը կատարւեց. դերեզմանը դատարկւեց<sup>127</sup>, Աստուծոյ կամքը կատարւեց. մութեն ընկղմւեց լոյսի մէջ։

Քրիստոս յարեաւ ի մեռելոց. քաջացէք, սգաւորներ,

Քրիստոս յարեաւ ի մեռելոց.

**ժո**ժափւէք, բեռնաւորներ։

Քրիստոս յարեաւ ի մեռելոց.

մխիթարւէք, ճգնողներ,

Քրիստոս յարեաւ ի մեռելոց.

սփոփւեցէք, ուխտաւորներ։

Փող Հնչեցրէք յաղԹուԹեան,

խաղաղութեան որդիներ,

Թմբուկ զարկէք խնդութեան,

արդարութիւն սիրողներ։

Սաղմոս ասէք աւրՀնութեան,


խոնարՀութեամբ վարւողներ,

Երգ երգեցէք գոհութեան,

Ճշմարտութեան վկայներ։

Պանծալի եւ աւրՀնեալ է Ցարութիւնը Քրիստոսի, Սքանչելի եւ աւրՀնեալ է ՅարուԹիւնը Քրիստոսի։ Հրաշալի եւ աւրՀնեալ է ՅարուԹիւնը Քրիստոսի, Յաւիտեանս աւրՀնեալ է ՅարուԹիւնը Քրիստոսի։





Փառք Քեղ, Աստուած իմ, Փառք Քեղ, Երկնատէր, գԹաշնորՀ Հայր, Որ իբրեւ սիրոյ մեծ դրսեւորում աշխարհիս հանդէպ`

Միածին Որդուդ մեզ ուղարկեցիր<sup>128</sup>, Այն Սուրբ Գառանը, Ում արեան գնով Թողութիւն գտանք մեղքի ցաւերից Եւ մկրտւեցինք նոր որդեգրութեան<sup>129</sup>... Նրա շնորհիւ մահուան վիհերից Փոխադրւեցինք Կեանքի բարձունքներ. Ադամից անցանք դէպի Քրիստոս<sup>130</sup>` Վերստանալով այն սուրբ պատկերն ու նմանութիւնը,

Որով ստեղծել էիր մեզ ի սկզբանէ<sup>լ31</sup>...

Արդ, Թող աւրՀնւի` Որդուդ Ծնունդը. փա՜ռք լինի Նրան,

ԱւրՀնեալ Թող լինի այն աւետիսը, Որ Հրեշտակը Քո փառքից ծագած

լոյսերի ներքոյ

Դաշտում Հնչեցրեց Հովիւների մէջ<sup>132</sup>։ ԱւրՀնեալ Թող լինի այն բարի լուրը, Որն աւրՀնաբանւեց երկնից զորքերի բազմուԹեան կողմից<sup>133</sup>`

Հանց երկնաբարբառ մի վկայութիւն, Որ Աւծեալ Տէրը` Փրկիչն է ծնւել.... Փա՜ռք բարձունքներում բնակւող Աստուծուն. Փառք Քեղ, Տէր Յիսուս, ԱւրՀնեալ Թող լինի Ծնունդդ Բարի Ու Թող աւրՀներդւի այն յայտնութիւնը, Որն աստղիդ տեսքով յայտնեցիր Հեռու արեւելքում, Թէ`

Թագաւոր ծնւեց Հրէաների մէջ<sup>ք34</sup>. Քեղ բիւրաւոր փառք, երկրպագուԹիւն, մեծարանք, պատիւ...

Թող աւրՀնւի՜ այն աւրը, երբ մոգաց պատգամախումբը Հեթանոս երկրից առաջնորդւելով Քո աստղալոյսով,

Ճանապարհ ընկաւ դէպի Բեխղէհէմ, Որպէսզի ամեն գիտուխիւն, վայելք ու հարստուխիւն

Ծնունդիդ առնիւ բերւի ու փուի ոտքերիդ առաջ

Ու գետնատարած խոնարհւածութեամբ երկրպագեն Քեզ<sup>լյ</sup>...


Թագաւորների Թագաւոր Աւծեալ, ԱւրՀնեալ Թող լինի Քո Սուրբ Ծնունդը մեր սրտերի մէջ,

Որ լոյսն է կեանքի,

որի ճաճանչը մեզ Թոյլ չի տա, որ Դարձեալ խարխափենք խաւարում, քանզի լո՜յս ունենք մեր մէջ

Աւելի զորեղ, քան ողջ աշխարՀն է<sup>լյց</sup>։ Արդ, աւրՀնեա՛լ եղիր ժողովուրդների ու ազգերի մէջ

Ի յաւիտեանս. Ամէն եւ Ամէն։



Այսպէս է ասում երկնքի Տէրը. - Ե՛ս եմ Աստուածը, Եւ Ինձանից զատ այլ Աստուած չկա՛յ<sup>137</sup>։ Ե՛ս եմ Ամէնը, ամենի սկիզբը եւ վերջն ամենի։

Ե՛ս եմ, որ խոր ու ծածուկ բաները յայտնի եմ դարձնում,

Հանճար եմ տալիս գիտնականներին Եւ իմաստութիւն` իմաստուններին<sup>138</sup>։ Իմն է արծաթը եւ Իմն է ոսկին<sup>139</sup>, Երկիրը իր ողջ բովանդակութեամբ, Տէրութիւններն ու թագաւորները

Ինձ են պատկանում,

Ե՛ս եմ որոշում, Թէ ինչը ում տամ. Եւ Համեմատ Իմ մեծ ողորմուԹեան, Այլ ոչ` ըստ մարդու արժանիքների Կարող եմ Հանել աղքատին աղբից, սրբել, բարձրացնել Եւ իշխանների կողքին նստեցնել նոյն սեղանի շուրջ<sup>140</sup>... Ալէլուիա, Տէր, փառք Քեղ, ողորմած ու առատաձեռն Աստուած բարերար։ Դո՛ւ ես իմ յոյսը, Դո՜ւ, որ մէկ խոսքով տարանջատել ես խաւարը լոյսից<sup>141</sup>, Վստահ եմ, որ Թէ հասցնեմ ձեռքս հանդերձիդ ծայրին,

Մթամած սիրտս Քեզ ճանաչելու գիտութեան լոյսով կպայծառանայ, Եւ ընթացք կառնի շունչս ընդհատւած... Աւրհնեալ լինես, Տէր, որ ականջ դրիր Քեղ փափագողիս,

Որ Քո ԱԹոռից երեսդ դարձրիր դէպի իմ անձը Ու ծովածաւալ ողորմուԹեամբ Քո Չեղեալ դարձնելով մեղքերս բազում՝ կեանք տուեցիր ինձ... Աստուած իմ բարի, որոգայԹներ են շուրջս ամենուր,

Ձեռքս պինդ բռնիր, Տէր իմ, Թոյլ մի՛ տուր, Որ գայԹակղւեմ սնափառուԹեամբ Եւ ունայնապարծ ինձ գտնեմ յանկարծ երեսիդ առաջ։


Թող իմ գայԹումով ամբարիշտները Չխնդան ուրախ, Թէ` տեսէք, ընկաւ. Այլ իմաստուԹեամբ ու ճշմարտուԹեամբ քաջացրու սիրտս,

Որ սուրբ կամքովդ իմ մէջ յղացած Հաւատը որպէս պտուղ` յոյս ծնի, Իսկ յոյսը, ինչպէս Քո Խոսքն է ասում` չի ամաչեցնի<sup>142</sup>։

Արդ, փա՜ռք Քեզ, Տէր իմ, Քո շնորՀ արած այն յոյսի Համար, Որ Թոյլ է տալիս մեզ մտածելու, Թէ զաւակ ենք Քեզ,

իսկ Դու` մեզ Աստուած<sup>143</sup>, Հայր ու Ապաւէն, յաւիտեան.

Ամէն։



«Եւ Աստուած այնպէս սիրեց աշխարհը, Որ Իր Միածին Որդուն մեզ իբրեւ փրկանք շնորհեց<sup>144</sup>»... Ինչպէս մոր**թ**ւելու տարւող մի ոչխար, Մեծ հոժարութեամբ Նա վեր առաւ մեր ցաւերը բոլոր,

Եւ մեր վշտերը կրեց Իր վրայ.

Նրա վէրքերով մենք բժշկւեցինք, Եւ Նրա վրայ եկաւ պատիժը մեր խաղաղութեան... Տիեղերքի Արքան, Ճարտարապետը աշխարհարարման Եղաւ անարգւած ու նաեւ մարդկանց երեսից ընկած, Հարուածների տէր ու ցաւի տեղեակ<sup>145</sup>, Որ ամեն Նրան Հաւատացողը չկորչի յանկարծ,

Այլ ընդունելով Լոյսն իր սրտի մէջ` Յաւիտենական կեանք գտնի երկնից բարձր դիրքերում...

Փա'որ Քեղ, Տէր Յիսուս, Որ Քո Սուրբ Անձր ունայնացնելով՝ Ի9ար մարդկանց մէ9, մարդու պէս եղար, Ծառալական Հեդ կերպարանք առար, ԽոնարՀեդրեգիր Քեղ ու Հնագանդ Եղար մինչեւ մահ, այն էլ` խաչի՛ մահ¹⁴6, Որ ես՝ Հեխանոս մի մահկանացու, Արեանդ գնով գնւեմ մեղթերից, Քո Սուրբ Անունով փրկութիւն գտնեմ Եւ կեանք ունենամ լաւիտենական։ Արդ, փառը Քեզ, Յիսուս, Անուանդ Համար, Այն Անուան, որ Քեզ Աստուած շնորհեց, Որ վեր է ամեն տեսակ անունից<sup>147</sup>. Անուն, որի մէկ արտասանումից աշխարհն է ցնցւում,

Եւ ԱրարչուԹեան ամեն մի մասնիկ` Երկնքում, երկրում, սանդարամետում ԵրկիւղածուԹեամբ գլուխներն իրենց խոնարՀում են ցած,

Եւ ամեն բարբառ, որ կայ տիեղերքում, ԱւրՀնաբանում է Անուանդ փառքը՝

դաւանելով, Թէ՝

Յարուցեալ Յիսուս Քրիստոսը Տէ՛ր է Հոր փառքի Համար` յաւիտենապէս<sup>148</sup>։ Եւ ողողւում է անեզրուԹիւնը Գովասանական սաղմոսերգերով. Փա՜ռք Քեզ, զորագոյն ու բարեՀռչակ Աստուած կենարար։

Ալէլուիա Հոր, Որդու, Սուրբ Հոգու

Անունով։ Ամէն։



Տէր իմ, Քո Խոսքից իմանում ենք, որ Քեզ Համար Հաճոյ պատարագները Կոտրւած սիրտն է եւ խոնարՀ Հոգին<sup>149</sup>. ԱՀա, ընդունի՛ր ապաշխարուԹեան իմ այս սաղմոսը`

Հանց անուշաբոյր մի Հոտոտելիք, Որը Հոգեխանդ աղաղակ որպէս` Սրտիս խորանից ուղղում եմ երկինք... Աստուած իմ, ներիր, Որ իմ ուխտերը ՀաւատարմուԹեամբ չեմ վճարում Քեղ,

Այլ խոզերի պէս տրորել եմ իմ Առջեւ շաղ տրւած մարգարիտները Եւ այժմ, ահա, յայտնւել եմ այն տիղմոտ ցեխի մէջ, Որտեղ որ էի` մինչ երանելի այն պահը, երբ ինձ ՇնորՀելով մեծ ողորմածուԹիւն՝ կեանք պարգեւեցիր... Տէր իմ, ուժ տուր ինձ. Հոգիս լոժար է, սակայն մարմինս Թոլլ է տակաւին։ Թէպէտ վաղուց է, ինչ դուրս ես բերել ինձ գերուԹիւնից, Բայց Եգիպտոսի սխտորի Հոտր եւ մսի Համը, Որպէս կործանիչ մի գայթակղութիւն, Դարձեալ ու դարձեալ ետ են կանչում ինձ... Քա՛վ լիցի, Տէր իմ, ձերբազատիր ինձ Այս մարմնաբնոյԹ կապւածուԹիւնից, Որի խորհուրդը կորուստ ու մահ է։ Աստուած իմ աւրՀնեալ, Ցանկապատիր ինձ Որդուդ` Յիսուսի

սրբասուրբ արեամբ, Որի Թանկ գնով գնեցիր դու մեզ գերուԹեան երկրից` Արժանացնելով Քո Սուրբ Քաղաքը մտնելու յոյսին։ Ո՜Հ, ալէլուիա... Պատի՛ր ինձ արեամբ` Քո աջում նստած անարատ Գառան...

փա′ոք լինի Նրան,

Որ յոժարուԹեամբ մատուցեց Իրեն որպէս պատարագ`

Շատերիս մեղաց ԹողուԹեան Համար<sup>150</sup>, Եւ Իր Հեզագոյն Անձը դարձնելով ՀաշտուԹեան կամուր)`

Նոր ուխտ Հաստատեց Քո եւ մեր միջեւ, Որի արդիւնքում Հաւատքով դարձանք Խոստմունքի որդիք<sup>151</sup>,

Աստուծոյ զաւակներ<sup>152</sup>...

Ով երկնային Հայր, մեղ սովորեցրու, Որ ճշմարտապէս լինենք սուրբ կամքիդ կատարողները.

Որ Յիսուս Որդու Երկրորդ Գալստեան մոտալուտ Աւրում`

Մեծ դատաստանին, Որպէս Հաւատքի Հետեւորդներ եւ Ցաւիտենական լոյսի ժառանգնե՜ր Կանգնենք Քո արդար Ատեանի առաջ... Սփոփիչ Աստուած, խոսիր սրտիս Հետ, Եւ Հանդ մանուկն է մոր որովայնում անհոգ երանում, Ալնպէս նաեւ ես Թող գնծամ Քո սուրբ ներկալուԹեան մէ Եւ ամեն գիշեր քնեմ՝ Սուրբ Հոգուդ դրոշմը սրտիս, Իսկ արժնանալիս՝ արցունքի տեսքով Քո գողը գտնեմ երեսիս վրալ՝ Իբրեւ մի նշան, որ ալցելել ես ինձ, երբ թնած էի. Եւ ամեն անգամ իմ գոհութիւնն ու փառաբանումը, Հանդէպ անեզը Քո ողորմութեան, Որն ալսքան առատ ու շռալլորէն Թափում ես վրաս, Եղրափակեմ մէկ վեր)աբանով` Ե՛Կ,

ՏԻՐ ՑԻՍՈՒՍ։ ԱՄԻՆ153։



Վաղուց է արդեն` չեմ անկեղծացել Քեղ Հետ, Աստուած իմ... վաղուց է արդեն Չեմ յանձնել սիրտս քննուԹեանը Քո, Եւ վաղուց է, ինչ Քո սուրբ ձայնը չի Հպւել ունկերիս։

ԱՀա, Սուրբ Հոգուդ առաջնորդուԹեամբ ու ներշնչումով

Ապաշխարութեան իմ այս աղոթքը Ուղղում եմ դէպի Քո Սուրբ Աթոռը` Իբրեւ զղջումի մի դրսեւորում այն բանի Համար,

Որ երբ պէտքը կար ապահով վէմի, Քեզ չփնտրեցի, Քեզ չխնդրեցի, Չաղաղակեցի դէպի Քո դուռը, Այլ յիմարաբար դարձեալ սկսեցի Մարդկանց մէջ փնտրել ապաւինութիւն. Չաղերսեցի Քեզ` ժամանակներ ու ժամեր Փոխոդիդ<sup>154</sup>`

Քեզ, որ լցնում ես երկինքը լոյսով Քո անեզրական

Եւ ողողում ես ամբողջ երկիրը փառքիդ գիտութեամբ<sup>155</sup>։

Արդ ես, որպէս մի խղճուկ շնչասպառ, Ներկայութիւնդ եմ տենչում վերգտնել, Ինչպէս որ Հոտը կորցրած գառնուկն է Սրտի տրոփով իր Հովւին փնտրում, Որ գազանակուր չլինի դաշտում`

մոլորութեան մէջ...

Տէր, ներիր սրտիս խորՀուրդներն անմիտ. Ներիր ադամիս երկմտութիւնն ու

խռովքներն ամեն.

Հեռացրո՛ւ ինձնից յիմարուԹիւնս, Աւգնիր, որպէսզի չակարանամ անՀաւատուԹեամբ...

Եւ աւժանդակիր աստանդականիս,

Որ վերադառնամ դէպի Քո գիրկը եւ մերձենամ Քեզ, Որպէսզի Քո սուրբ Լոյսո՛վ լոյս տեսնեմ, Ու Քո Հանճարը Հպւի նաեւ ինձ։ Գիտեմ, Աստուած իմ, Դու Թոյլ չես տայ, որ ոտքս սայԹաքի, քանզի Քոնն եմ ես.

Դու մեծ վճար ես տուել ինձ Համար, Քո արեան գինն է փրկութիւնը իմ։ Ուրեմն, Տէր իմ, գոտեպնդի՛ր ինձ, Ու Թող խաղաղւի սիրտս Սուրբ Հոգուդ մխիթարութեամբ,

Որ Դու ինձ Հետ ես... Խնդրում եմ` գործել սովորեցրու ինձ, Որ քայլեմ Քո սուրբ կամքին ՀամընԹաց` ծառայելով Քեղ,

Այլ ոչ թե լեզուով գեղահիւս խոսքեր տարածեմ աւդում,

Թէ` տեսէբ ո՜վ եմ... Այլապէս, Տէր իմ, ի՞նչ փոյԹ նրանից,

Թէ ունեմ Հաւատ, կամ որ Սուրբ Գրքին

Ծանոթ եմ որոշ Հեթանոսներից փոքր-ինչ աւելի.

Ձէ՞ որ Հաւատքը գործ է պաՀանջում։ Այդ է վկայում սուրբ առաքեալը, Երբ իր նամակում ասում է. «Ինչպէս Որ մարմինն առանց Հոգու մեռած է, Այնպէս` Հաւատն է մեռած` առանց գործ<sup>156</sup>»։ Տէր իմ, ինձ սիրտ տուր` Քեզ ճանաչելու. Իմաստաւորի՜ր միտքս` Քո կենաց վարդապետուԹեամբ,

Որ կարգաւորւի ներսս էապէս, Եւ խոսք ու գործս դառնան կենսալոյս

խոսքիդ Համիմաստ,

Որ ազգերի մէջ խոսեմ Քո մասին` Իբրեւ Քեզանից իրական շնորՀ


առած մի վկայ...

Աստուած իմ, Քոնն են շնորՀներն ամեն, Որ ջրվէժում են երկինքների մէջ

ու երկրի վրայ։

Թոթափիր անձս մեղքերիս բեռից, Եւ թող կարկաչի Հոգիս Քո կենաց Ջրի լուսաՀորդ առատութիւնից<sup>157</sup>, Որ սիրտս խնդայ սիրոյ գոյների երփներանգուԹեամբ, Քանի որ Դու ես կեանքի աղբիւրը եւ լոյսն աշխարհի. Սկիզբն ու լրումը ամենայն գոյի<sup>158</sup>՝ Յաւիտեանս. Ամէն։





Տէր, առաքեալիդ ԹղԹերից մէկում կրկին պատւեր կայ`

Չսիրենք խոսքով եւ ոչ էլ լեզուով, Այլ գործով սիրենք ու ճշմարտուԹեամբ<sup>159</sup>։ Արդ, ես մինչեւ ե՞րբ պիտի սուտ խոսեմ, Մինչեւ ե՞րբ պիտի դատարկաժպիտ Անիրաւ որպէս` ձեւացնեմ, իբրեւ

ոչինչ չի եղել,

Երբ իմ գործերը չեն փայլում սիրով եւ ճշմարտուԹեամբ.

Երբ չեմ ընԹանում ըստ իրաւունքիդ, Պատւիրաններդ պահում եմ իբրեւ Եւ անարգում եմ Հրամաններդ՝

իմ կեղծ պահւածքով...

Խնդրում եմ, ների՛ր բնոյԹս խաբւած,

Անձս ինքնաբաւ, վիճակս փքւած... Մի՛ Թող կործանւեմ, Ո՛վ Աստուած աւրՀնեալ,

Լոլսդ գո՛լգ տուր ինձ.

Մոլորւել եմ, Տէր, ձայնդ չեմ լսում,

ո'վ Բարի Հովիւ,

Շատ եմ Հեռացել ես Քո արոտից, Փուշ ու տատասկ է շուր9ս ամենուր. Խնդրում եմ, մեկնիր ձեռքդ ընկածիս։ Ինչպէս առակում Հովիւն է գտնում Հարիւր գառներից այն մէկ կորածին¹60, Ալդկերպ էլ Դու ի'նձ Հանիր փշուտից, Գիրկդ առ ու տար դէպի Քո Հոտը։ Աստուած իմ, պարզիր Աֆդ բեկեալիս Եւ բարկութիւնդ մեղմի′ր իմ Հանդէպ, Ական9դ դարձրու աղերսաւորիս Ու մխիթարիր սաղմոսում ասւած Այն խոսքերով, Թէ չես կտրի ինձնից ողորմութիւնդ<sup>161</sup>

Եւ որ ինձանից իմ Հանցանքները Հեռացրիր այնքան,

Որքան արեւելքն է՝ արեւմուտքից<sup>162</sup>...

Տէր, Քեզ եմ յանձնում Հոգսերս բոլոր, քանզի գիտեմ, որ

Անաւրէնների որոգայԹներից

ինձ կազատես ու

Չես Թողնի լինեմ ամբարիշտների լեզուով ծաղրածեծ.

Աստուած իմ, Յիսո՜ւս, մի՜ Թող սայԹաքեմ Եւ Թոյլ մի՛ տուր, որ վերստին ապրեմ Նուաստացումի այն ստոր վիժումը, Որի ապտակից ուշքս տակաւին

չի զգաստացել,

Ու <u>ջլերս դեռ չեն Հան</u>գստացել նետորային ո

նեարդային դողից։

Ո՛վ Ձորաց Աստուած, գխա ծառայիդ, Ներիր քմահաճ ցասումներս բիւր, Քո ձեռքը վերցրու սիրտս դիւրագայխ

ու բժշկիր այն,

Որպէսզի դառնամ անոԹ անապակ, տաճար Քեր Հա

տաճար Քեղ Համար,

Որ Քո Սուրբ Հոգին

Իր ողջ լիութեամբ ու փառքով Հաստատ` Բնակւի իմ մէջ վերջնականորէն, Եւ խանդավառւեմ կենսախինդ լոյսիդ առատութիւնից։

Երկնաւոր Հայր մեր, արդարացրու ինձ Քո ողորմուԹեամբ,

ԱւրՀնիր ըն**խացքս, միաքս, գործերս.** ՁրաՀապատիր ինձ Քո զորութեամբ, որ չսասանւեմ.

Վասնզի, Տէր իմ, Ես ծառայուԹեան Հոգին չառայ, որ վախենամ կրկին,

Այլ որդեգրուԹեան Հոգին առայ, որ Վկայում է, Թէ զաւակ ենք Աստուծոյ Եւ ժառանգակից Որդուն Միածին. Ու Թէ որ Նրա չարչարանքներին

կցորդ ենք, ապա

Կլինենք նաեւ մասնակից փառքին`


երկրի վրայ եւ

Տիեզերքում Համայն` յաւիտենապէս<sup>163</sup>։ Ինչո՞ւ վախենալ

Մեզ քաջալերող Աստուածն յարուցեալ, Ով լաղժող եղաւ աշխարհի հանդէպ<sup>164</sup>, Ինձ տուեց Հոգի զորութեան, սիրոյ եւ զգաստութեան,

Այլ ոչ Թէ վախի ու երկչոտուԹեան<sup>165</sup>։
Նա, Ով Հայր Աստուծուց ամեն զորուԹիւն
Ստացաւ երկնում ու երկրի վրայ,
Արդ ասում է, Թէ` քեղ Հետ կլինեմ
Ամենուր, մինչեւ աշխարհի վերջը<sup>166</sup>...
Ուրեմն, փառք Քեղ,
Ցաւիտենական իշխանուԹեան Հայր
Եւ Քեղ, Տէր Ցիսուս,
Երկնից զորքերի փառաց Առաջնորդ,
Ու Քեղ, Սուրբ Հոգի, երկրպագուԹիւն,

մեծարանք. Ամէն։



Այսպէս է ասում Երկնքի Տէրը. – Իմ ճանապարհը փոթորիկի ու մրրիկի մէ է, Եւ ամպերն են իմ ոտների փոշին<sup>167</sup>... Իմ Հանճարով է տարածւել երկնի հաստատութիւնը, Իմ մեծ ուժով ու մեկնած բազուկով Ստեղծեցի աշխարՀն` իր մէ9 ներաուող լիուԹեամբ ամեն Եւ այս ամենը Ես կտամ նրան, ով Հաճոլ է Ինձ<sup>168</sup>։ Ե՛ս, որ քննում եմ սիրտն ու փորձում եմ երիկամունքը<sup>169</sup>, Արդ, ասում եմ թեզ,

Որ քո դէմ լարւած ամեն որոգայխ կմնայ պարապ,

Որ քո դէմ շինւած ամեն մի գործիք պիտի ձախողւի,

Եւ ամեն լեզու, որ դատաստանի Դուրս կգայ քո դէմ, կդատապարտւի, Քանի որ սա՛ է Իմ ծառաների ժառանգուԹիւնը

Եւ որ Ինձնի՛ց է նրանց շնորհւած Արդարութիւնն ու խաղաղութիւնը` Յաւիտենական դարերի համար<sup>170</sup>... - Սրտաբոյժ իմ Տէր, գոտեպնդիր ինձ. Քո հանդէպ տածած երկիւղո՛վ, թեղ սոսկ սիրտս դոդդողալ`

Հոգին սխափեցնող այն սուրբ սարսուռով, Որը Բարձրեալիդ բարեբաշխուխեան Դռան մոտ բերող ճամփան է միակ։ Իմ յոյսը Դու ես, ողորմա՜ծ Աստուած, Քեզ եմ յուսացած իմ ողջ էուխեամբ. Հաստատի՛ր ինձ Քո ճանապարՀներում Եւ Խոսքդ արա ինձ լոյս ու սնունդ, Որ Հասակ առնեմ պարարտ Հողի մէջ՝ Քեզնից ստացած արդարուԹեամբ ու զորուԹեամբ լիքը։ Թող երկնքի տակ ամեն մի շրԹունք,

ամեն սիրտ, Հոգի Լիաժպտորեն բազւեն Քո առա)

Լիաժպտորեն բացւեն Քո առաջ Ու զիլ ցնծուԹեամբ սաղմոս երդեն Քեզ... Թող երկրիս բոլոր սաՀմաննեի մէ9

ամեն ազգ ու տոհմ

Փառաբանութեամբ երկրպագեն Սուրբ Երրորդութեանդ<sup>լշլ</sup>,

Եւ վկայութեան բացականչումներ Թնդան ամենուր,


Որ Դո՛ւ ես Տէրը, ու Քեզանից զատ ուրիշ Տէր չկա՛յ։

Թող բիւր կողմերից միաբանութեան կանչեր որոտան.

– Փա՜ռք Քեղ, Երկնաւոր, ո՜վ Զորաց Իշխան, փա՜ռք Քեղ յաւիտեան,

Յանուն Հոր, Որդու, Սուրբ Հոգու.

Ամէն։



Տէր, ո՞վ է մարդը, երբ բարուրւած չէ
Քո ողորմուԹեամբ,
Երբ սուրբ աւրէնքդ գրւած չէ նրա
սրտի տախտակին,
Եւ Քո շնորհն ու ճշմարտուԹիւնը
չեն հպւել նրան...
Առանց Քո լոյսի կենաց ՋերմուԹեան,
Առանց սուրբ ամպիդ սեան ուղեկցուԹեան,
Ասա՛, Աստուած իմ, մարդս ի՞նչ է, Թէ ոչ՝
անճարակ խլեակ,

Անփառունակ տիպ, Ինքնաբաւութեամբ պաճուճւած թշվառ, Գիտուն ձեւացող մոլար ծիսապաշտ. Մեղքերով շուայտ, Հոգով ՀեշտագայԹ, Սրտով անԹլպատ, Աչքով շնական, Մտքով խոտորեալ, ԲնոյԹով խաւար, Տեսքով` իրաւամբ մի ծաղրավաստակ, եւ ներքուստ բորոտ...

ԱՀա, Աստուած իմ... աՀա, Աստուած իմ, Երեսս մինչեւ գետին խոնարՀած` Սրտիս կսկիծով խոստովանում եմ` այդ մարդը ե՛ս եմ...

ԱՀա, եկել եմ... Տէր, Քո առաջ եմ բերում մեղքերս,

Ես ոչինչ չունեմ ծածուկ Քեզանից, Ողորմի՛ր անձս Քո գխածուխեամբ, Խնդրում եմ` լսիր կանչն աղաղակիս Եւ պատասխանիր Հառաչանքներին անկեղծ գղջումիս...

ԱՀա, քննիր ինձ. բա՛ց արա սիրտս, փռիր իմ առջեւ, Որպէսզի ծածուկ սխալմունքներս էլ

երեւան աչքիս,

Որ ապաշխարեմ եւ դրա՛նց Համար... Գիտեմ, Տէր իմ, Դու որբ չես Թողնի Քեզ ապաւինողին.


Քեզ եմ յուսացած, մխիԹարի՜ր ինձ, ո՜վ Ամենակալ։

Ես գնւած եմ դեռ Քեզ Համար վաղուց Եւ Հիմայ ունեմ Քեզնից ստացած ՓրկուԹեան մի յոյս` Հոգու գրաւը<sup>172</sup>, Որով կնքեցիր մեզ որդեգրուԹեան Ու ժառանգուԹեան սուրբ աւուր Համար<sup>173</sup>... Ո՜Հ, ալէլուիա... փառք Քեզ ԲարեգուԹ Տէր արդարադատ։

Քեզնից եմ սպասում փրկութիւնը իմ. Քեզ Համար չկայ ոչինչ դժվարին, Ոչինչ երկնքում ու երկրի վրայ Չի կարող կանգնել Քո զորութեան դէմ։ Արդ, աղաչում եմ, ԽոնարՀ սիրտ տուր ինձ, Որ կարողանամ Հաւատարմորեն

պահել ուխտերս. Թող գունազարդւի Սուրբ Հոգիդ իմ մէջ՝ ծիածանի պես, Եւ Թող Հաջողւեն գործերս, որոնք Ծառայելու են կոչւած Քո փառքին` ԱյսուՀետ եւ միշտ եւ յաւիտենից յաւիտեան։ Ամէն։





Իմ Տէր, իմ Աստուած, իմ զորութեան Վէ՛մ, Ինչո՞ւ ես թողել ինձ ու լռում ես... Տես, գալարւում եմ անկողնուս մէջ, Տէր, Շփոթւած սիրտս զարՀուրել է եւ Գիշերն ինձ Համար մղձավանջի պէս մի բան է դարձել,

Եւ էլ չեն բացւում ինձ խորՀուրդները Քո սուրբ տողերի։

Իմ Աստուած, իմ Տէր, իմ փառքի Ասպար, դ*վ*ա՜ ծառայիդ.

Դո՜ւ, որ խոսում ես արդարութիւնով, Որ ծածանւում ես Քո զորութեան մէջ<sup>լ74</sup> Եւ դատաստան ես անում ուղղութեամբ, Աղաչում եմ, ինձ դատիր` Համեմատ Քո ողորմուԹեան, որպէսզի ապրեմ. Այլապէս, եԹէ մեղեալիս դատես ըստ իմ գործերի,

Անպատճառ, պիտի գցւեմ կրակը Եւ կամ անպտուղ Թղենու նման Անէծք վաստակած` պիտի չորանամ<sup>ք75</sup>... Տէր իմ, Քո առաջ անգամ աստղերի լոյսն է անմաքուր,

Արդ, ինչպէ՞ս փրկւեմ ես` անարգւածս, Երբ քարկապւել եմ մեղքին այնքա՜ն սերտ։

– Դու լաւ գիտես, Տէր,

Թէ ինչ տկար ու մեղանչական է

բնոյթը մարդուս.

– Արդ, ո՞նց կարող եմ վարւել բարեպէս, երբ չար եմ սրտով

Կամ ինչպէ՞ս պիտի իրաւունք գործեմ, Երբ իրաւունքի սակաւուԹիւնից, Ինչպէս Թառամած շուշանը դաշտի,

Հոգի′ս է <mark>Թ</mark>ոշնել...

Բայց ես ունեմ յոյս. այն, որ աղոԹքներ լսող Տէ՛ր ես Դու Ու չես անարգում Քեղ խնդրողներին. Իմ յոյսը Դու ես. Քեզնից եմ սպասում փրկուԹիւնը իմ,

Քանզի տիեզերքում միայն Քեզ մոտ կայ յարուԹիւն եւ կեանք,

Լոյս, ողորմուԹիւն, մխիԹարուԹիւն եւ սէ՜ր անսահման...

Իմ ուղեցոյցը եւ ճանապարՀը Դո՛ւ ես, Տէր Յիսուս,


Քո կեանքն` անարատ, պատգամներդ` սուրբ. Որ Հորից առած ամեն զորուԹիւն, Ամբողջ տիեղերքը, այդ Թւում նաեւ մեղթի աշխարհը`

Հնազանդեցրիր Քո ոտների տակ<sup>176</sup>` Անուանդ առաջ ի չիք դարձնելով Հակառակորդի բոլոր նետերը... Ուստի, խնդրում եմ, պահի՛ր ծառայիդ Անաւրէնների որոգայԹներից, Որ ամեն վայրկեան դաւեր են նիւԹում՝ անձս կորցնելու։

Տէր իմ, գիտեմ, որ չես Թողնի ծառադ կործանւի... Եւ ես` Քո ազնւասուրբ արեամբ գնւածս, ՈւրախուԹեան, Թէ արտասուքիս մէջ, Ամեն ժամանակ կփառաբանեմ Անուանդ լոլսը`

Գիտենալով, որ Քո զորութիւնը Մեր տկարութեան մէջ է կատարւում<sup>177</sup>. Ալէլուիա, փա՜ռք... Փա՜ռք Քեղ, Տէր Յիսուս, Եւ Քեղ, աւրՀնեալ Հայր ու Քեղ, Սուրբ Հոգի,

Մեծարանք, պատիւ ազգից ազգ. Ամէն։



Ցնծա, ով իմ անձ, ծափ տուր, պարերգիր, Ո՜վ Աստուծոյ սրբեր, ցնծացէք ինձ Հետ, Եկէք միացէք փառաբանուԹեան

իմ այս սաղմոսին,

Ու միաբանւած՝ երկնքի Տիրոջ

փառքը գովերգենք...

Փա՜ռք Քեզ, Աստուած մեր, որ այն ժամանակ, Երբ մաՀուան ստուերում, լոյսից անտեղեակ, Ապրում էինք, ինչպէս խաւարեալները, Կամ աղբակոյտի գարշանքների մէջ

թաւալւող զեռուն,

Ըստ Քո մեծութեան` ողորմեցիր մեզ, Ու որպէս փրկանք` Որդուդ տուեցիր... Փա՜ռք Քեզ, Աստուած իմ,

սուրբ կամքիդ Համար,

Որ արդարուԹեան Արեգակն այցի եկաւ մեզ երկնից<sup>178</sup>,

Ու փառքիդ լոյսը ծագեց մեզ վրայ։ Այլեւս որբ չենք. Արդ ունենք Քեզնից ստացած շնորՀ` Քրիստոս Յիսուս`

Առաւոտ լուսոյ Աստղն այն պայծառ<sup>179</sup>, Ով Իր երկնային դիրքից առաւել Աշխարհի հանդէպ Իւր սէրը դասեց, Եւ Իր Անձն իբրեւ սրբազան մատաղ` զոհեց մեզ համար.

Իր ԽաչելուԹեամբ ու յարուԹիւնով յաղԹեց մաՀուանը,

Քանդեց խաւարի խորՀուրդներն ամեն Եւ յաղԹանակած զորավար որպէս` փառքով վերացաւ։

Ու հիմա Տիրոջ անսահման սիրոյ Եւ խոնարհուԹեան պտուղը մենք ենք` լոյսի որդիքս,

Որ արդարացանք Նրա փրկարար արեան զորուԹեամբ։ Ուրեմն, Նրա Անուամբ Համարձակ կարող ենք ասել՝ Յիսուս Քրիստոսի անուչ բոյրն ենք մենք Աստուծոլ առաջին՝ Կորածների եւ փրկւածների մէջ<sup>180</sup>, Նաեւ Սուրբ Հոգով վկայողներն ենք փրկութեան Խոսթի... Ո՜Հ, ալէլուիա, ցնծացէք, սրբեր, սաղմոս երգեցէք, Քանզի երկնքում Աստուծոլ Որդին է բարեխոսը մեր<sup>181</sup>. Նա, Ով գատելով մեզ մեռելներից, Իբրեւ սուրբ կնիք, Իր մատնաՀետքը դրեց մեց վրալ Եւ խաղաղութեան շաւիղներ փռեց մեր ոտների տակ՝ Շնորհելով մեզ նոր տեսողութիւն, նոր լսողուԹիւն, Նոր երգ երգելու ընդունակութիւն... Ալս ի՞նչ Հրաշը է, ի՞նչ երանութիւն. Կրծքիս տակ սիրտս ցնծուն ղողան)ով

տրոփում է, Տէր,


Եւ անձս ինչպէս ժայռաբուխ աղբիւր` ԿարկաչաՀնչուն խինդով` Անուանդ փառքն է սաղմոսում`

Աղաղակելով` փա՜ռք բարձունքներում բնակւող Աստուծուն։

Փառք երկինքների երկնքում բազմած Արարչին Հզոր,

Եւ Հոր աջ կողմում նստած Աւծեալին ԳոՀութիւն, պատիւ եւ բիւր աւրՀնութիւն` Ազգից մինչեւ ազգ, տիեղերքից տիեղերք։

Ցաւիտեան. Ամէն։



Փառք Քեղ, Աստուած իմ, Ամենայնի Տէր, աւրՀնեալ ամենից, Քո խոսքից գիտենք` ողորմուԹիւն ես ուզում եւ ոչ զոՀ<sup>182</sup>...

Գիտենք նաեւ, որ ամբարիշտների, Թեկուզ եւ պարարտ պատարագները աւտար են սրտիդ,

Եւ անաւրէնի բուրվառի խունկը Զզւելի է Քո Հոտոտելիքին։ Արդ, գիտենք, որ չե՛ս ընդունի ընծան կեղծաւորների<sup>183</sup>,

Ովքեր ուղղուԹեան մասին խոսում են իբրեւ բամբասանք

Եւ մէջբերում են արդարուԹիւնդ, Սակայն կարեկցանք չունեն իրենց մէջ։ Ներիր ինձ, Տէր իմ, Նման անպիտան եղել եմ եւ ե՛ս. Արդ, աղաչում եմ, Աստուած իմ, մի՛ Թող, Որ գոռոզանայ սիրտս գիտուԹեամբ, Ինչպէս որ Յոբի աւրերում ոմանք լանդիմանւեցին`

Իբրեւ խորհուրդը անիմաստ խոսքով նսեմացնողներ<sup>184</sup>,

Կամ ուրիշներն էլ, գայԹակղւելով, Երկնի փառքերից գահավիժեցին Մինչեւ դժոխքի խորխորատները<sup>185</sup>... Մի՛ Թող սայԹաքեմ շատախոսելով (Լեզուս քարկապի՛ր սնաբանելիս), Որ մի աւր հանկարծ պատւիրանազանց չկանգնեմ Քո դէմ`

Զուր տեղն Անունդ մարդկանց մէջ տալով. Չլինի հանկարծ` աւելին խոսեմ, քան իմ հաւատքն է

գտուլուագույ Կամ ցուցադրւեմ առաւել, քան Թէ

սէր կայ անձիս մէջ։


Յիշիր ինձ, Տէր իմ, Քո տիեղերանիստ դիրքից նայիր ինձ, Երեսդ դարձրու Քեզ յուսացողիս, որ քաջալերւեմ։ Քո կենսաՀռչակ շունչը լիահորդ` փչիր ինձ վրայ, Որ լուսաւորւի անձս վերստին

IIը լուսաւորւի անձս վերստին Հոգուդ ԹարմուԹեամբ։

Միտք տուր տկարիս, Որ շաւիղներս շտկեմ մշտապէս ու Հասնեմ Լոյսիդ։

Իմ յոյսը Դու ես, Աստուած Կենդանի, Ձի խոստացել ես, որ Քո Անուանը Յուսացողներին մէնակ չես Թողնի, Ո՛չ այս աշխարհում եւ ո՛չ էլ գալիք Ժամանակներում։

Ամէն ու ամէն։



Տէր իմ, Աստուած իմ. Սէր ես Դու, Հոգի<sup>186</sup>, Քո իրաւունքը վեր է երկնքի բարձրադիրներից, Քո խորՀուրդները տիեզերաշերտւած խորքեր են կրում, Քո էութիւնը մաշող կրակ է<sup>187</sup>, Ում Հանդիպելիս` լեռները Հայւում, դառնում են փոշի։ Խաղաղութեան Հալը, Դու, որ ազգերի ու կղզիների խառնակ գասումը Յանդիմանում ես բազկիդ գորութեամբ, Որ Հոգուդ կամքով ամբարիշտների կարծը սրտերը

ԽոնարՀեցնում ես մինչեւ դժոխքի տարտարոսները

Եւ Ճշմարտութեան Խոսքով բուժում ես ՄաՀուան ստուերում տառապողներին. Արդ աղաչում եմ, որ գթածութեամբ նայես մեղեայիս.

Մի՛ յիշիր սրտիս խորՀուրդները չար, Ուխտերս դրժած, Վարքս տխրագոյժ, Աչքս վաւաշոտ, Խոսքս կեղծաւոր, Ժպիտս շինծու, Այլ ապաքինի՛ր խոտորւած անձս` մխիժարուժեամբ.


Թոյլ տուր, որ խմեմ Քո ողորմութեան բաժակից մի կում,

Քանզի խէղճ եմ ես եւ չունեմ սրտիս Շփոթմունքներին կարեկից մի ոք... Սրբութեան Աստուած, սուրբ արա եւ ինձ՝ Քեզ փափագողիս,

Որ խաւարախտի խարխափումներով

Գիշեր ու ցերեկ ճամփադ եմ փնտրում՝ Յոյսով, որ մի աւր, յաւիտենական լոյսերի ներքոյ, Բազմած Թեւերին քերովբէների կՀանդիպեմ Քեզ Եւ բերանքսիվայր երկրպագուԹեամբ Անունդ կտամ. ԱրդարուԹեան Հայր, Թագաւոր փառաց, զորուԹիւնների, Սքանչելի Աստուած, ԽորՀրդական Տէր<sup>188</sup>, ՅաւիտենուԹեան Իշխան երկնային։

Ամէն եւ ամէն։



Իմ Տէր, իմ Երկիւղ, իմ Հաստատութիւն, Քո բարձր դիրքից ականջ դարձրու իմ Տագնապած սրտիս ապաշաւանքին. Լսիր զղջումիս խոսքն այս աղեկէզ, Որ մատուցում եմ ոտքերիդ առջեւ Որպէս պատարագ` խոստովանելով, Որ ճաքճքել եմ պապակ Հողի պէս, Աւրէնքիդ առջեւ մահապարտ դարձնող` մեղքերիս բեռից,

Խաւարել է եւ գիտակցուԹիւնս մահուան ստուերում...

Խոստովանում եմ, որ ջլատւել է Սիրտս կրքերից հեշտասիրուԹեան, Որ կեղտոտել եմ ճերմակ հանդերձն իմ պիղծ վարքուբարքով Եւ անձս դարձրել վատաՀոտ անո∂... Վա՛յ ինձ, Աստուած իմ,

ՀաւատարմուԹիւն չկայ սրտիս մէջ, Քանզի վաւաշոտ պոռնիկ կանանց պէս ՇնաՀայաց եմ գտնւել եւ ե՛ս

Քո սրբուԹեան դէմ.

Ինչպէս նշանւած կոյսն իր փեսայի զայրոյթեն է շարժում՝

Աւտար այրերի տարփախաղերին ՀաճուԹիւն տալով,

Այնպէս նաեւ ե՛ս, աշխարհի ունայն փառքին նայելով,

Քո բարկութիւնն եմ կիտել ինձ վրայ, Եւ Դատաստանի ԱՀեղ սպասումից Համակւել է ողջ մարմինս դողով, Ու վերացել է քունն իմ աչքերից... Արդ, գլխիս Թափւող արՀաւիրքներին դիմակայելու

ԱնզորուԹեանս որպէս սփոփուԹիւն` մէկ յոյս ունեմ սոսկ.

Երկնքում բազմած Բարեխոսն Արդար՝ Քո Խաչեալ Որդին (յաւերժ փա՛ռք Նրան), Ում արնաԹաԹախ վէրքերը եղան ինձ բժշկուԹիւն,

Ով իմ փշածածկ սրտի ցաւերը

իր վրալ առաւ

Եւ անէծքներն այն, որ պիտ կրեի,

բեւեռեց Խաչին...

Ողորմութեան Հայր, Հանգրուան տուր ինձ. Քո սուրբ էութեան ամենաթափանց Լոլսով ամոքիր Հոգիս փշրւած։ Թող մխիթարւեմ Յիսուսի խոցւած Արնածոր կողը խորհրդանշող Ժայռի խորշի մէջ` այն պատուածքում, 

իբրեւ ԹողուԹիւն<sup>189</sup>։

Ազատիր Հոգիս դժոխքի խալծից, Թող ինձ չՀասնեն նետերը մաՀուան. Ես Քո ծառան եմ, Տէր, ինձ ապրեցրո՜ւ

Քո խոստմունքի պէս։

Անունդ իբրեւ գաղտնագիր դրոշմ՝ կնքիր ճակատիս<sup>190</sup>,

Որ Խաչի խոսքի արդարուԹիւնը

Հոգուդ զորութեամբ կատարւի վրաս` ղէպի փրկութիւն, Եւ Քո անմատոյց փառքերի ներքոյ, Յաղթանակածի Համարձակութեամբ Անունդ կանչեմ, Միակ–Ճշմարիտ–Հաւատարիմ Տէր։

Ամէն եւ ամէն։





Իմ սրտում ոչինչ Քեզանից ծածուկ չկալ, Աստուած իմ. Իմ Արարիչը եւ սրբութիւնը Դու ես, ԱւրՀնեալ Տէր, Իմ կառուցւածքը Քեզ յայտնի էր դեռ, երբ ծնւած չէի<sup>191</sup>. Քո իմաստութեամբ կազմաւորւեցին ոսկերքս բոլոր, Քո Հրահանգով ձեւաւորւեցին Տեսանելիքս ու լսէլիքս, Քո մեծ Հանճարով մանրահիւսւեցին Երակներս ու երիկամունքս Եւ Քո սուրբ կամքով առա)ին անգամ սիրտս բաբախեց... Արդ, սրտագէտ Տէր,

Դու, որ քննում ես մարդու ծուծն անգամ,
Ինչպէ՞ս կարող եմ Քեզնից Թաքցնել
Սիրտս չարացնող խորՀուրդները պիղծ,
Որոնք անցաւոր անձս բերում են
Ատեանիդ առաջ` որպէս մաՀապարտ։
Աղաչում եմ, Տէր, գԹա՜ ծառայիդ,
Մի Թող, որ խամրի զգոնուԹիւնս,
Ինչպէս որ Ղովտը մոլորուԹեան մէջ
ԱնաւրէնուԹիւն գործեց Քո առջեւ
Եւ որպէս չար ազգ ծնեց Մովաբին<sup>192</sup>...
Հեռացրո՜ւ ոտքս
Չարի ու բարու գիտուԹեան ծառի
ճամփից կորստեան.

Ձեռքս ետ պահիր արդելւած պտուղն Համտես անելու գայԹակղուԹիւնից, Որ չլինի, Թէ Քեղանից հեռու` Մահուան վիհերում կացող բորոտի նմանւեմ եւ կամ`

Գերեզման իջնող մեռելների պէս՝ Համարւեմ մերժւած։

Թոյլ մի՛ տուր, որ Քո Լոյսը ուրացած` ԽոզաԹաւալ տամ ճահճացեխի մէջ, Որից սրբւել եմ Որդուդ արիւնով, Կամ <sub>Հ</sub>ների պէս` փսխածս լիզեմ Եւ ստացւի, Թէ ապերախտաբար ոտթով կոխ տուի

Իմ ու Քո միջեւ Հաստատւած ուխտը... Քաւ լիցի, Տէր իմ, Ես Քո մոլորւած գառն եմ, փրկի՜ր ինձ. Անդունդի գուբից վեր առ ծառայիդ Եւ վերադարձրու Քո սուրբ արոտը։ Տկարութեանս Համար եմ խնդրում, Տէր իմ, աւգնիր ինձ. Ինչպէս որ Սիմոն Կիւրենացին էր Որդուդ սատարում փորձութեան ժամին<sup>193</sup>, Աւգնիր, որ խաչս Հասցնեմ Գողգոթայ,

Քանզի լոկ այնտեղ, Յիսուսի տեսքից յանդիմանւելով,

Իրապէս կզգամ գործած մեղքերիս խորուԹիւնները

Եւ այնժամ գուցէ կկարողանամ Ապրել ճշմարիտ ապաշխարուԹիւն... – Տէր, խոնարՀ Հոգի ու Հնազանդ սիրտ նորոգիր իմ մէջ,

Որ Հոժարութեամբ անձս իբրեւ մի կամաւոր ընծայ`

Յանձնեմ Բարձրեալիդ ողորմուԹեանը։ Վանիր խաւարի գործերն իմ կեանքից Ու քաջալերիր սիրտս Հաւատքով, Որ կարողանամ ՀաւատարմուԹեա՜մբ Ծառայել Խոսքին Աւետարանի, Ինչպէս վայել է Հոգով ճշմարիտ

քրիստոնեային։

Խնդրում եմ, մի՛ Թող, որ այլախառն լծակից լինեմ

Հեթանոսների զեխութիւններին.

Թող խորՀուրդներս մաքրւեն ջրով

սուրբ աւազանիդ

Եւ արդարացած սրտով գոՀուԹիւն խնկարկեմ Քեղ վեր,


Որպէսզի Վերին Երուսաղէմում Սրբերիդ Համար նախապատրաստւող Հարսանեաց տոնին

Հիւրընկալւելու շնորհը, որպէս

Յաղթութեան պսակ, ստանամ եւ ե՜ս<sup>194</sup>, Ու Քո անմատոյց լոյսերին փարւած, Հրեշտակներիդ ու երեցներիդ Հետ միաբարբառ`

Երկրպագութեամբ Անունդ կանչեմ.
- Ամենայաւէտ փառքերի Իշխան,
Երկնից բազմութեան ԱՀեղ Զորապետ,
Հաւատարիմ Տէր, Ճշմարիտ Աստուած, Քեզ բիւր աւրՀնութիւն, գովութիւն, պատիւ,

Յաւիտենիցս յաւիտեան։ Ամէն։



Տէր իմ, յիշիր ինձ, Քո բարձր դահից նայիր ընկածիս. Յիշիր ծառայիդ հանդէպ ունեցած Ողորմութիւնդ ու քաղցրութիւնդ Եւ խոնարհեցրու ականՋդ` դէպի

կանչը աղոթերիս.

Տես, որ Թաւալ եմ գալիս տիղմի մէջ եւ աւգնող չունեմ,

Ու ամոթը ինձ յաղթահարում է, Ինչպէս կրակն է կուլ տալիս հարդը... Բայց ես Քո լոյսին յուսացած մէկն եմ, ապաստա՜ն տուր ինձ.

Ով Տէր, գիտեմ, որ Քո արժանիքով ՅաղԹանակ ունեմ երկնքում պաՀւած, Հաւատում եմ, որ իմ իրաւունքը Կյայտնես ծագող արեգակի պէս, Եւ փրկուԹիւնս, ծիածանելով` Լուսազարդ կանես երկնակամարում... ԱպահովուԹեան Աշտարակ Դու Սուրբ, Այն յոյսի համար, որ փայփայում եմ Դէպի յաղԹանակ, Թող որ չամաչեմ. Ինչո՞ւ պարծենան ամբարիշտները

իմ սայԹաքումով Կամ չարախնդան ընկածիս վրայ` որպէս պարտւածի։

Թող չլայնանա ամբարտաւանի բերանը վրաս,

Եւ անզգամը Թող չասի` Աստուած լքել է սրան...

Ողորմիր ինձ, Տէր, Ձեռքդ երկարիր ու ինձ դուրս քաշիր կորստի վիհից։

Ինչպէս Եզրասի ու Նէեմիայի ժամանակներում

Վերականգնեցիր Երուսաղէմի Քանդւած դոները<sup>195</sup> եւ պարիսպները<sup>196</sup>, Ինչպէս Յակոբի մնացորդը ետ Վերադարձրեցիր գերուԹիւնից տուն, Այնպէս նորոգիր խոտորւած սրտիս խորՀուրդներն ամեն

Ու սուրբ Աւրէնքդ Հաստատիր իմ մէջ յաւիտենապէս։

Աւծիր ծառայիդ` իւղով նարդոսի Եւ ճերմակ բեհեզ Հագցրու` իբրեւ արդարուԹեան զգէստ։

Ինչպէս Հնոցի բոցը զատում է ոսկին աղտերից,

Թող անձս սրբւի կրակով` Քո Սուրբ Հոգու յայտնութեան,

Որ գոՀութեանս աղոթքը իբրեւ արժանի ընծալ`

Խնկարկեմ երկինք, ոտներիդ առաջ,

Ով Միակ Արդար,

Որ ճշմարտութեան եւ իրաւունքի Պատկերն ու Հոգին Քո Էութիւնն է. Քեզ լինի պատիւ, յաղթութիւն, պսակ, Ազգից ազգ, մինչեւ յաւիտենութիւն։

Ամէն ու ամէն։




Տէր Յիսուս,

ապաշխարուԹեամբ դարձել ենք Քեզ, Շնորհիր մեզ յոյսը քաւուԹեան, Քո բարի հայացքով նայիր մեզ, Ու կապրենք յաւիտեա՜ն, յաւիտեա՜ն... Ամէն։


Սուրբ Հոգուդ

մխիԹարուԹեամբ պարուրիր մեզ, Ջերմացրու Քո սիրով անսահման, Անուանդ զորուԹեամբ հպւիր մեզ, Ու կապրենք յաւիտեան, յաւիտեա՜ն... Ամէն։



Տէր գխաշնորՀ, Արդար Դատաւոր, Քո ողորմուխեամբ մեղ ապրեցրու. Տէր Ամենակալ, Տէր բարի, աւրՀնեալ, Քո ճշմարտուխեամբ մեղ ապրեցրու... Միայն Քեղ ենք յուսացած, Ամենակարող Աստուած, Քո սիրով ապրեցրու...

Տէր Ամենազոր, Ջորաց Թագաւոր, Քո իրաւունքով մեզ ապրեցրու. Տէր` ամպերի մէջ, Տէր` փառքերի մէջ, Քո լոյսերի մէջ մեզ ապրեցրու... Միայն Քեզ ենք յուսացած, Ամենակարող Աստուած, Քո սիրով ապրեցրու...




Տէր Յիսուս, Դու ես խաղաղութիւնը, Տէր, Դու ես լոյսը եւ փրկութիւնը... Քո արիւնով ենք մեղքերից դնւել, Քո Անունով ենք աշխարհին յաղթել, Ու հիմա Քո փառքն ենք սաղմոսում...

Ո՜Հ, ալէլուիա, երկինքը Թնդաց, Ո՜Հ, ալէլուիա, Հողը դղրդաց, Լոյսի շող ծագեց մեր սրտերում...

Տէր Յիսուս, Դու ես ՃշմարտուԹիւնը, Տէր, Դու ես կեանքը եւ ՅարուԹիւնը... Դո՛ւ ես Հովիւը` Հոգատար, բարի, Դո՛ւ ես Սուրբ Ջուրը կենաց աղբիւրի, Քեզ կապաւինենք` չե՛նք սասանւի... Քեզ աղոԹում ենք գիշեր ու ցերեկ, Քո գալստեանն ենք սպասում անՀամբեր. Արդ, աղաչում ենք` Տէր, յայտնւի՜ր, Աղաղակում ենք` Մի ուշացի՜ր...






ԱւրՀնեալ է Բարձրեալ Աստուածն ամենքիս, ԱւրՀնում եմ Քեզ, Տէր, սաղմոսով սրտիս. Քեղ են պատկանում փառքերը ամեն, Քեղ գովաբանում եմ, Քեղ փառաբանում եմ, Յաւիտեան. Ամէն։

Փառաբանութիւն եմ խնկարկում դէպ վեր, ԳոՀութեամբ երգում եմ`

Փառք Քեզ, Զորաց Տէր... Քեղ են պատկանում փառքերը ամեն, Քեղ գովաբանում եմ, Քեղ փառաբանում եմ, Յաւիտեան. Ամէն։





## V.

Քրիստոս ծնաւ եւ յայտնեցաւ.

Մեզ եւ ձեզ մեծ աւետիս։

Քրիստոս ծնաւ եւ յայտնեցաւ.

խաղաղութի՛ւն ամենքիս։

Քրիստոս ծնաւ եւ յայտնեցաւ.

փրկութի՛ւն մեր անձերին<sup>197</sup>։

Քրիստոս ծնաւ եւ յայտնեցաւ.

բժշկութի՞ւն աշխարհին...

Աստուած մեր մէջ երեւաց,

լուսաւորւի՛ր¹98, ԲեԹղէՀէ**՜**մ։

Աստուած մեր մէջ երեւաց,

արթնացի՛ր, Երուսաղէ՜մ։

Աստուած մեր մէ9 երեւաց,

Նազարէխը փա՜ռք Հագաւ։

Աստուած մեր մէջ երեւաց, Յորդանանն աւրՀնւեցաւ...

Տիրոջ խոսքը կատարւեց<sup>199</sup>` խաւարի մէջ լոյս ծագեց<sup>200</sup>.

Տիրոջ խոսքը կատարւեց`

Դաւթի գահը հաստատւեց<sup>201</sup>։

Տիրոջ խոսքը կատարւեց`

Կոյսի արգանդն յղացաւ<sup>202</sup>.

Տիրոջ խոսքը կատարւեց՝

ոևեսն 1ս1որ աևմաևանաւ…

Աստուած երկնից իջաւ ցած.

սարսափեցէ՛ք, անդունդներ։

Աստուած երկնից իջաւ ցած.

Հանդարտւէ՛ք, փոթորիկներ։

Աստուած երկնից իջաւ ցած.

երկիր, շարժւի՛ր, ծով, ծփա՛։

Աստուած երկնից իջաւ ցած.

քարեր, կանչէ՛ք` Ովսաննա՛շսյ...

Աւծեալ Փրկիչն է ծնւել`

ուրախացէ՛ք, Հովիւնե՛ր²0⁴։
Աւծեալ Փրկիչն է ծնւել`

երկրպագեցէք, մոգե՛ր²0⁵։
Աւծեալ Փրկիչն է ծնւել`

Մարիամին` բի՜ւր երանի²0՞։
Աւծեալ Փրկիչն է ծնւել`

գնծա՛, Սիմեոն ծերունի²0⁻...

Զորութեամբ եւ առքով է ծնունդն Յիսուս Քրիստոսի, ԳերախորՀուրդ փառքով է ծնունդն Յիսուս Քրիստոսի, ԱւրՀնութեամբ եւ Հրաշքով է ծնունդն Յիսուս Քրիստոսի, Յաւիտեանս պատւով է





Իմ Տիրոջ սուրբ Անունը ամենաւրՀնեալ է, Իմ Տիրոջ զորութիւնը փառաւորեալ է, Իմ Տիրոջ էութիւնը լուսաւորեալ է, Իմ Տիրոջ սքանչութիւնը յաւերժ գովեալ է։

Իմ Տիրոջ բարկութիւնը ողորմութեամբ է, Իմ Տիրոջ գթութիւնը բժշկութեամբ է, Իմ Տիրոջ վեհութիւնը խոնարհութեամբ է, Իմ Տիրոջ բարութիւնը վսեմութեամբ է։

Իմ Տիրոջ խոստումները յայտնութիւնով են, Իմ Տիրոջ շաւիղները սրբութիւնով են, Իմ Տիրոջ վճիռները ուղղութիւնով են, Իմ Տիրոջ դատաստաններն իրաւունքով են։ Իմ Տիրոջ աւրենքները ճշմարտութիւն են, Իմ Տիրոջ պատգամները արդարութիւն են, Իմ Տիրոջ Հորդորները իմաստութիւն են, Իմ Տիրոջ խորՀուրդները խաղաղութիւն են։







– Զորաց Զորապետ, Տիրագ Տիրապետ, Սրբոց Սրբապետ, Վեհաց Վեհապետ, Վսեմաց Վսեմ,-Մշտապէս Հասնող, յաւետ սատարող, Ողորմող - Սփոփող, Ներող – բժշկող, ՄխիԹարող Տէր, Աստուած ամենայն աւրՀնութիւնների, ԱւրՀնեալ ԱւրՀնապետ, Որ ամեն անգամ, երբ սալԹաթել եմ՝ բարձրացրել ես ինձ, Որ ամեն անգամ, երբ տատանւել եմ՝ Հաստատել ես ինձ, Եւ ամեն անդամ պաշտպանել ես ինձ, երբ վեհերել եմ...

Արդ, պատասխանիր աղոԹքիս կանչին. ինչո՞ւ ես լռում։

Իմ Փրկիչ, իմ Յոյս, իմ սուրբ Պահապան, Ինչո՞ւ ես սիրտդ խստացրել իմ դէմ Եւ Թաքցրել ես հայացքդ ինձնից` Աղերսանքներիս առջեւ փակելով Քո ականՉները...

Աստուած իմ, ինչո՞ւ ծածկեցիր Հոգուդ լոյսն իմ աչքերից

Եւ Թոյլ տուեցիր` զարկւեմ կուրուԹեամբ. ԻմաստուԹիւնս յիմարացրեցիր,

որ Քեզ չփնտրեմ,

Խոհեմութիւնս ունայնացրեցիր,

որ Քեզ չխնդրեմ,

Խայտառակեցիր խորհուրդներն հոգուս, Շնորհս որպէս անհամացած աղ`

Թափեցիր գետնին,

ՈւրախուԹիւնս փոխեցիր սուգի, ԿայտառուԹիւունս դարձրիր տրտմուԹիւն, Խինդս մարեցիր,

Փառքս ծաղրեցիր,

Ու դարձայ մարդկանց քամաՀրանքների Եւ առակների Հիմնական երգր, Ամենքից լքւած, Աւտար բոլորին, Ինչպէս անիծւած մի վտարանդի, Արհամարհւած հիւր, Հալածւած ճամփորդ, Անարգւած պանդուխտ, Մերժւած բարեկամ, Աղքատ ազգական, Վոնդւած ընկեր... Եւ հիմայ չկայ մի ոք, որ նեցուկ

Տէր Յիսուս Քրիստոս,
Որդի Աստուծոյ, Աստուած Ճշմարիտ,
Նուիրապետաց բարձրությունների
Եւ աթոռների Մեծն Գահակալ,
Տիեզերահամբաւ զորութիւնների
Եւ բանակների Պատւախնիր Տէր,
Միակ Ուղարկւած,
Միակ Արտոնւած,
Միակ Կարող,
Մէկդ Գերունակ,

Միդ` Հաւատացւած, Որ Աստուածային Սուրբ Երրորդութեան Ամենասքանչեղ ճոխութիւնները, Գանձերն Հոգեւոր շտեմարանների, Երկնային բոլոր վայելչանքներն ու Փառքերն անմատոյց խորութիւնների լայտնես Քո Անձով

Եւ կրունկիդ տակ խոնարՀեցնելով դժոխքն ու մաՀը`

Յաւիտեաններից նախասաՀմանւած այն սուրբ պատկերը,

Որ մարդս կորցրեց դրախտի այգում գայԹակղւելով,

Որպէս աւրՀնուԹեան անվախճան դրոշմ՝ Վերստին կերտես Ադամի Հոգում...

– Արդ աղաչում եմ,

Տէր իմ, ընդունիր ապաշխարութեան կամաւոր ընծաս,

Որ խունկի ծուխով Հոգուս խորանից Պատարագում եմ դէպի Քո գահը... Թող որ աղոխքիս անկեղծ Հառաչը Հասնի ականջիդ,

Եւ Թող կոտրւած սրտիս սրուակից

Ոտներիդ վրայ Թափւող զղջումիս խոստովանանքը Նարդոսի իւղի անուշ բոյրի պէս Հաճելի լինի Հոտոտելիքիդ...

Մեղա՜յ, Աստուած իմ... մեղա՜յ Բարձրեալիդ. Որ Հոգուս կամքի տկարուժիւնով, Պղծուժեամբ սրտիս, Մտքիս շեղուժեամբ, Աչքիս ծռուժեամբ, Շուայտուժիւնով զգայարաններիս Եւ անդամներիս անժուժկալուժեամբ Նորից ու նորից աւժեւանեցի ստուերի երկրում<sup>208</sup>, Ուր մաՀուան ափն է եւ մեռելների

բնակատեղին...
Մեղա՜յ, Աստուած իմ,
Որ դեգերելով մեղքից դէպի մեղք`
ԱնաւրենուԹեան ծախւածների պէս
Մարմնիս վրանը Հաստատում եմ մերԹ
ԱյլասիրուԹեան ծովի ընդերքում,
ՄերԹ` ճահճի խորքում ախտաժետուԹեան,

Մերթ` մացառուտում ապականութեան Եւ մ`էկ էլ` վիհում Յանցանաց ձորի... Մեղա՜յ, Աստուած իմ, մեղա՜յ Բարձրեալիդ, Որ Տէրունական առակում խոսւող Անառակ որդու աւրինակի պէս` Ի՛նքս էլ հորիցս վերցրած ունեցւածքն Իսպառ վատնեցի իմ պոռնկութեամբ եւ արժանագալ

Խոզերի Հետ նոյն կերը ուտելու՝

անպատւութեանը...

Մեղա՜լ, Աստուած իմ, Որ պաշտոնիս մէջ եղայ անպիտան, Ծառայութեան մէջ` դասալիք զինւոր, Կոչումիս մէջ` սին, Խոսքիս մէջ` պոռոտ, Կեցւածքով` գոռող, Կարգով` ամբարիշտ... Ու թէ մի արդար յանկարծ յանձն առնի

ըննել գործերս, Մարագակուս ինչ կկուի որպես՝

Անտարակոյս, ինձ կկոչի որպէս` անպտղաբեր արտ,

Էտւած ծառի ճիւղ,

Չորացած արմատ, Թառամած տերեւ, Մամռակալած ոստ։ Իսկ Թէ որ Հոգիս կշռի մի Հրեշտակ<sup>209</sup>, Անառարկորէն, ինձ կՀռչակի որպէս խարդախ մարդ,

Կեղծ Հաւատացեալ, Սուտ մխիխարիչ, Ցիմար քարոզիչ, Անիրաւ տնտես, Շորխող գանձապահ, Կաշառւած դեսպան, Բուխ խորհրդական, Նենգ բանագնաց...

Սակայն Դու, Ո՜վ Սուրբ, Ո՜վ արդարութեան յաւերժ Առաւոտ, Այգաբաց սիրոյ, Ծագում գԹութեան, Պայծառութեան ելք, Զուարթութեան ցայգ, Քաղցրութեան ճաճանչ, Կեանքի ճառագում Եւ Լո՜յս անստուեր, որ ոչ մի խաւար չկա՛յ Քեզանում... Արդ, իմ փրկուԹեան առհաւատչեան լոկ Քո Սուրբ Հոգին է։ Սրբազնագոյն Տէր, խնդրում եմ, Թոյլ տուր, Որ ԷուԹեանդ հաղորդ լինելով` Մասնակից դառնամ ճշմարտուԹիւնդ Հասկացողների ազատուԹեանր<sup>210</sup>

Եւ ժառանգորդը այն Ուխտի, որով Յամբարձման Ժամին աշակերտներիդ Քաջալերեցիր` աւետելով, Թե`

Ձեզ Հետ կլինեմ ամեն աւր, մինչեւ աշխարհի վերջը,

Յաւիտենիցս լավիտեան. Ամէն։







Կենաց աղբյուր է Տէրը` խեղձին զորացնող, Երկնային Հաց է Տէրը` որբին կերակրող, ՓրկուԹեան դուռ է Տէրը`

տնանկին կանչող,

Յարութեան լուր է Տէրը<mark>՝</mark>

Հոգին արԹնացնող...

Բժշկուխեան ձեռք ես, Տէ՛ր,

ախտեր վերացնող.

Ճշմարտութեան խոսք ես, Տէ՛ր,

միտքն իմաստնացնող.

Խաղաղութեան ուխտ ես, Տէ՛ր,

սիրտն Հանգստացնող.

Յաղթանակի սուր ես, Տէ՛ր,

չարին կասեցնող։

ԱւրՀնաբեր շղարշ ես, Տէ՛ր,
 վսեմ, փառաւոր,
Փայլատակող Հուր ես, Տէ՛ր,
 սաստիկ, աՀաւոր։
Առանց խաւար լոյս ես, Տէ՛ր,
 պայծառ այգաբաց,
ՄխիԹարիչ յոյս ես, Տէ՛ր,
 գԹած, ողորմած...







Իմաստութեան խոսք է Տէրն իմ, Տէ՛րը՝
Պսակ անթառամ,
Հանճարի խորհուրդ է Տէրն իմ, Տէ՛րը՝
Շնորհ պատւական։
Գիտութեան խրատ է Տէրն իմ, Տէ՛րը՝
Գանձ աներեւոյթ,
Հոգեւոր պատգամ է Տէրն իմ, Տէ՛րը՝
Ակն հազւագիւտ...
Քաւութեան աղբիւր է Տէրն իմ, Տէ՛րը՝
դէպի փրկութիւն,

դգար գրդութրես, Յաղթանակի սուր է Տէրն իմ, Տէ՛րը` դէպի յարութիւն։ Զուարթացնող լոյս է Տէրն իմ, Տէ՛րը` սիրող-ողորմող, Մխիթարիչ յոյս է Տէրն իմ, Տէ՛րը` սրբող-բժշկող։



Քրիստոս բարի, Աստուած ճշմարիտ, Ամենահրաշ Սուրբ ԵրրորդուԹեան Միախորհուրդ Բան եւ համագոյ Է... Աւրհնաբանեալ Սուրբ.

Լոյս յաւիտենից, Ցոյս անմահութեան, Խաղաղութեան Շաղ, Գթութեան Եղեամ, Սփոփանաց Շղարշ, Սիրոյ Առաւոտ, Ծա՜գ արդարութեան, Երուսաղէմի զուարթուն Պահապան, Իսրայէլի տան Հոգեւոր Տեսուչ, Տաճար երկնային, Սուրբ պատարագիչ, Աստուածակոյս Տէր, ԱւրՀնուԹիւնների եւ շնորՀների մշտաբուխ Աղբիւր,

Որ յաւերժական խոնարՀուԹեամբ` Քեզ Երկրպագում են երկնքի բոլոր

զորութիւնները.

Հրեշտակները երկիւղում են` Քո տեսքին նայելիս,

Սերովբէները երեսներն իրենց Ծածկում են Քեզնից` կանչելով`

Սո′ւրբ, Սո′ւրբ,

Եւ պատկառում են ամենային աՀով Քո առջեւ փառքի Քերովբէները... Սակայն Դու, ԱւրՀնեալ, Հաւանեցիր Հեզ Հոգին, քան զոՀը, Կոտրւած սիրտը նախապատւեցիր,

քան ողջակէզը211,

Գերադասեցիր ապաշխարուԹեան Սուգը` խնՋոյքի ուրախուԹիւնից, Լացը` ծիծաղից, Իսկ արտմուԹիւնը, որ փրկուԹիւն է գործում, Հաճեցար Խունկի սրբաբոյր ծուխից աւելի...

Արդ, Քոնն է երկրի ողջ լիութիւնը, Քոնն է ազգերի եւ կղզիների պարարտութիւնը, Ժողովուրդների Հարստութիւնը Քեզ է պատկանում, Սրբերն աւր աւուր Քե՜զ են վճարում իրենց ուխտերը։ Բայց ես՝ անմիտս, Ղովտի կնոջ պէս Փրկութեան ճամփից յիմարութեամբ ե՛տ դարձրի երեսս Դէպի կործանւող աշխարհի փառքն ու...

Եւ ստացւեց, որ Փառքս Թառամեց ունայնուԹեան մէջ, Լոյսս մԹնացաւ տգիտուԹիւնից, Յոյսս կողոպտւեց անՀաւատուԹեամբ, Կրակս մարեց պակասից սիրոյ, Թուլամորթութեամբ ստրկացաւ կամքս, Պատիւս խամրեց, Խինդս արգելւեց, Ծիծաղս լռեց, Ոյժս նահանջեց Եւ զորութիւնս ցամաքեց, ինչպէս դետն ամռան տապին...

Արդ, աւդնիր, Հա՜յր մեր.
Ողորմի՜ր, ԳԹած,
Խղճա՜, Բարերար,
Սփոփի՜ր, Երկնային,
Ամոքի՜ր, Բարձրեալ,
Բժշկի՜ր, Կարող,
Փրկի՜ր, Ձորաւոր,
Ընդունի՜ր, Հարուստ,
ՄխիԹարի՜ր, Սուրբ...
Ինչպէս Եղիայի ժամանակներում
Եռամեայ երաշտն Հանդստացրեցիր

Նոյն կերպ էլ անձիս ամայուԹիւնը Կենդանացրու Սուրբ Հոգուդ յայտնուԹեամբ։

Արդարեւ, մե՛ծ է ողորմուԹիւնդ, բարեբաշխ իմ Տէր, Եւ գԹուԹիւնդ բազում է, ինչպէս երկնում աստղերն են. Բերանիդ խոսքը որպէս Հոդեզմայլ ծիածանաշիԹ Բժշկութիւն ու մխիթարանք է ի ամենայնիւ, ԽորՀրդով` նման Եդեմից ելնող ալն վարար գետին, Որ բաժանւելով չորս գլուխների՝ Կենսաւորում է ծարաւ երկիրը քաղցրահամ ֆրով<sup>212</sup>։ ...... Ուստի, Թող միալն Քե՛զ վերընծալւի ԳոՀութիւն, պատիւ, սաղմոսերգութիւն,

արժանիք եւ փառը, Ցաւիտենիցս լաւիտեան.

Ամէն։





Երանի նրան, ում տէրը Տէ′րն է.

Աստուա՛ծ է նրա Հարստութիւնը։

Երանի նրան, ում սէրը Տէ′րն է.

Աստուա՜ծ է նրա ժառանգութիւնը։

Երանի նրան, ում լոյսր Տէ՜րն է.

Աստուա՛ծ է նրա խաղաղութիւնը։

Երանի նրան, ում լոյսը Տէ′րն է.

Աստուա՛ծ է նրա արդարութիւնը...

Երանի՛ սրտով ողորմածներին.

Աստուած կտայ նրան ԹողուԹի՛ւն։

Երանի՛ Հոգով խոնարՀւածներին.

Աստուած կտայ նրան աւրՀնութի՛ւն։

Երանի՜ լացով մեղա՜յ կանչողին.

Աստուած կտայ նրան սրբութի՛ւն։

Երանի՛ սուգով ապաշխարողին.

Աստուած կտալ նրան փրկութի՛ւն...







Այդ ի՞նչ վրձին է, Որ Հորիզոնը ծիածանում է արեւածագին, Եւ կանԹեղում է լուսնի երեսը գիշերուայ պահին.


Ո՞վ ստեղծեց աստղերն` իբրեւ երկնասփիւռ վզնոց լուսագեղ, Ո՞ւմ են Հաձեցնում ծաղիկներն իրենց խայտանքով գունեղ։

Ի՞նչ Հանճարով է ձուի մէջ Հիւսւում սիրտը արծիւի, Երկրի խորքերից ինչպէ՞ս է ելնում քամին Հարաւի... Ի°նչ Հրաշքով է Ամպրոպը գոչում, գետը կարկաչում, ծովը շառաչում, Գառներն ինչպէ՞ս են իրենց մայրերի ձայնը ճանաչում։

Ո՞վ գոյակերտեց խայթը կարիճի, թունագեղձն աւձի, Ո՞վ է բորբոքում ձագին սիրելու բնազդն առիւծի։

Ի՞նչ գիտութեամբ է եղնիկը ծնում, արջը ձուկ բռնում, Ծառի տերեւը ինչպե՞ս է ձմռան գալուստը զգում...

Ի՞նչ աւրէնքով է... ի՞նչ իշխանուԹեամբ... Ի՜նչ զորուԹեամբ է... ի՜նչ իմաստուԹեամբ...



## 







Քեզ Հանդիպեցի Հորիզոնի մոտ։ Դու դուրս էիր եկել քո առագաստից` Ծագող արեւը դիմաւորելու<sup>213</sup>. Դու լուսաբացը Հագել էիր իբրեւ ցողախիտ Հանդերձ... Քեղ Հանդիպեսի ամարեր ուղ թարոր

Քեզ Հանդիպեցի այնտեղ, ուր քաղցր Մանանան ինչպէս աւրՀնուԹեան շղարշ` իջել էր դաշտին։

Դու Հովիտների ծաղկունքը որպէս Գեղազարդ գոտի կապել էիր մէջքիդ Եւ Սողոմոնի սիրահար սրտի երգն էիր երգում<sup>214</sup>.

Ձայնդ նման էր ժայռաբուխ առուի կենաց կարկաչի...

Քեզ Հանդիպեցի, երբ մառախուղը զատւել էր ծովից Եւ պատարագւող խնկածուխ ասես` Հասել էր երկինք։

Դու Սելովամի աւազանի մոտ Կանգնել էիր` վառւող լապտերը ձեռիդ<sup>215</sup> Եւ Հետեւում էիր Երուսաղէմի Քանդւած պարսպի նորոգման գործին. Դու շա՜տ նման էիր փեսային սպասող կոյս Հարսնացուի...





#### ԵՐԿԽՈՍՈՒԹԻՒՆ ՍԻՐՈՅ

– Դէմքդ նման է Հնոցի զատիչ Բոցով մաքրւած Թափանցիկ ոսկու` Այնքա՜ն անարատ, որ արեւի պէս շողում է Հեռուից...

– Իսկ քո մարմինը շափիւղայ քարի Սալերով պատւած` մի աշտարակ է, Որտեղ տաճարի ողջակէզները Մատուցանելու համար պատրաստւած

իրերն են դրւում...

– Հոնքերիդ դարսւածքն ինչպէս երկուորեակ կարապներ լինեն,

Որ Թեւածում են աչքերիդ լազուր լճի վրայով

Ու Հաղորդում են երեսիդ փայլին երկնային զմայլք...

- Իսկ քո ճակա′տը նման է աւդում Թեւերը բացած մի սէգ արծիւի` Հինաւուրց լեռան զոյգ խառնարանի վրայ ճախրելիս...
- Շուրթերիդ բացւածքն Ասես շուշանի խոնաւ թերթեր են, Որ թաւշոտել են քամուց մրսոտած... Ծիծաղդ` որպէս կարկաչող ակունք, Որ սկիզբ է առնում ԽորՀրդաւորի Աթոռի տակից

Եւ Հոսում դէպի ծաղկած դաշտերը... Իսկ ատամնե՜րդ... Մարգարտեա ճերմակ շարեր են, որոնք Գեղազարդում են ԹագուՀու շքեղ Հանդերձաքները...

– Բերանիդ ձեւը ինչպէս արքայի Զինապահեստի կնքւած դռներն են, Որտեղ պահւած են զորաւորների Պատերազմական հանդերձանքները` Երկսայրի սրեր, նետեր, վահաններ եւ սաղաւարտներ... Իսկ ձայնդ` նման ծովի շառաչի` Որոտարկում է, երբ ալիքները զարկւում են ափին...







Ինձ փնտրէք սիրոյ արցունքում փայլող լոյսի ճաճանչում, Վաղորդեան ցողի ծիածանախիտ գունակարկաչում։

Փնտրէք լճակի գրկում խտացած լուսնի շողերում, Արեւածագին` երկնակամարի ոսկեգոյներում։

Ինձ փնտրէք Թաւշէ կոկոնում քնած վարդի երազում, Բոժոժը պատռող ԹիԹեռի Թեւի երփներանգներում։ Փնտրէք առիւծից փրկւած եղնիկի սրտի Հրճուանքում, Երկնակամարը գրկող արծիւի վսեմ ճախրանքում։

Ինձ փնտրէք այնտեղ... Ուր բնուԹիւնը իր ՀանգստուԹեան շաբաԹն է տոնում...





Տիրոջ գո՞րծն է գուցէ սա, որ երկնաւոր Իր գահից Շնորհեց քեզ իմ սրտին` ի արձագանը աղոթքքիս.

Բոլորովին ուրիշ ես` ամենքից զատ մի էակ, Ասա՛, քե՞զ եմ տեսել իմ երազներում շարունակ.

ՇուրԹքդ վարդի ԹերԹիկներ, իսկ երեսդ` ճերմակ ձիւն, Լոյս է Հորդում քո տեսքից եւ անսաՀման ՉերմուԹիւն. Մազերդ Հանց մի ջրվէժ, որ Թափւում է ժայռն ի վար, Որտեղի՞ց ես, ո՜վ չքնաղ, տեսքով այսքա՜ն Հրավառ...







Թեպէտ քեզ չեմ ճանաչում, սակայն կրկին ու կրկին Քեզ է տենչում սիրտը իմ, ո՜Հ, իմ երազ անմեկին...

Աներեւ եմ սիրում քեզ (Հանկարծ ոչ ոք չիմանայ), Թող իմ անմեղ տեսիլքով սիրտս մէնա՛կ Հիանայ։

Թաքուն եմ քեզ կարոտում՝ շունչս պահած, մե՜ղմ, զգո՜յշ, Անգամ ծածուկ եմ շիկնում քո հմայքից քաղցրանուշ...





Գիտեմ. ինչ-որ տեղ դու կաս աշխարհում, Ապրում ես ծաղկէ հովտում արեւշատ, Քեղ սպասելուց է սիրտս մոլեգնում Եւ հոգիս ցնծում այսքա՜ն խնդառատ...

Գիտեմ, ինչ-որ տեղ` բարձրիկ դաշտերում, Ապրում ես զուլալ առուների մոտ, Ուր արշալոյսը սէ՜ր է աւետում, Ու երազանքներ Հիւսում արեւոտ...





Քեզ Հաւաքեցի նորաբաց ու Թաց ծաղկի ԹերԹերից Եւ իբրեւ Թովիչ մի կարոտափունջ` յանձնեցի սրտիս...





Քեզ դուրս բերեցի երկնքից անդին ծագող լոյսերից Եւ Հաստատեցի սիրոյ Թանաքով` տախտակին սրտիս...





Առաւոտուայ համբոյրից բնութիւնն սքանչացաւ, Եւ կուսանուշ մի շուշան կոկոնի մէջ արթնացաւ...





Որքան շուշանն է փառքով առաւել դաշտի փշերից, Քո ծաղիկ տեսքով աղջիկների մէջ մէ՜կն ես բիւրերից...





Ինչպէս որ վարդն է ցողով պարուրւում վաղ առաւոտեան, Թող ցողակալւի սիրտս` նազանքով` վարդի քնքշուԹեան...

## ԱՍՏՈՒԱԾԱՇՆՉԵԱՆ ՅՂՈՒՄՆԵՐ

1. Մատթ. 25.14-30։ 2. Թւոց 22.21-31։ 3. Մատթ. 22.2,3։ 4. Մատթ. 22.8-13։ 5. Յալտն. 8.13։ 9.12։ 11.14։ 6. 1Կորնթ. 6.9,10։ 15.50։ 7. Ցալտն. 16.16։ 8. Մատթ. 24.29։ Մարկ. 13.25։ Ցալտն. 6.13։ 9. Ես. 34.4։ 10. Ցալտն. 19.11։ 11. Սաղմ. 19.1։ 12. Յալան. 4.6-11։ Ես. 6.3։ 13. Ղուկ. 23.39-43: 14. Φիլ. 2.6-8: 15. Ես. 53.12: **16.** Մադաթ. 4.2: **17.** Եբր. 2.8: **18.** Ղուկ. 1.26 - 33: **19.** Մատթ. 1.18։ Ղուկ. 1.35։ **20.** Գործթ 2.1-4։ 21. Ես. 53.1։ 22. Մարկ. 13.35։ 23. Ես. 40.3։ 24. Սաղմ. 37.8։ 25. Ելից 20.16։ 26. Մատթ. 26.41։ 27. 1Կորն թ. 6.18։ 28. Ղեւտ. 11.44։ 1 Պետր. 1.15,16։ 29. Յալտն. 19.9։ 30. 3Թագ. 19.18։ 31. Առակ. 9.10։ 32. 3Թագ. 21.20։ 33. Սաղմ. 84.5։ **34.** Հռովմ. 8.3,4։ **35.** Թւոց 6.25։ **36.** Յեսու 6.20։ 37. 3Թագ. 18.38։ 38. Ծննդ. 4.7։ 39. Մախտ. 5.13։ 40. Մադաք. 3.18։ 41. 1Կորն թ.

1.9։ 2 Թես. 3.3։ **42.** Սաղմ. 121.3,4,7։ **43.** Եբր. 7.3։ 44. Յալան. 3.1։ 45. Յալան. 3.7։ 46. Ցալան. 5.1-10։ 47. Ցովհ. 6.48-51։ 48. Ցովհ. 2. 19-21։ 49. Սաղմ. 22.3։ 50. Սաղմ. 19.1-4։ 51. Գործթ 1.7։ 52. Յալան. 3.14։ 53. Ղուկ. 14.16 - 20։ 54. Ես. 30.1 55. Սաղմ. 118.25։ 56. 4 Թագ. 5.1-14: **57.** Յակ. 2.8: **58.** Առակ. 1.2-6: **59.** Առակ. 1.33 **60.** Առակ. 1.27։ **61.** Առակ. 1.26։ 62. Ես. 11.5։ 63. Յալտն. 16.1-21։ 64. Ծննդ. 3.15։ ՅովՀ. 16.11։ 65. 1Թագ. 17.26։ 66. Հռովմ. 11.36։ 67. Ելից 24.17։ Եբր. 12.29։ 68. Ղուկ. 12.20։ Գործը 5.5։ 69. Ես. 40.23։ 70. Ղուկ. 10.18։ Յալան. 12.9։ 71. 1 Պետր. 2.25։ 72. Ելից 12.23։ 2 Թագ. 24.16։ 73. Ղուկ. 7.34։ 74. Գործը. 2.36: 5.31: 75. Եփես. 2.2: 76. 2Տիմ. 1.10։ **77.** Ես. 11.4։ **78.** 2 Պետր. 3.9։ **79.** 1 Պետր. 2.4։ 80. 4 Թագ. 20.1-6։ 81. Հռովմ. 7.11։ 82. 1 Պետր. 2.16։ **83.** Ելից 3.14։ **84.** Գործը 9.3-8։ **85.** 1ՅովՀ. 1.5։ **86.** Յայտն. 20.11։ **87.** Յայտն. 6.12: 88. Ծննո. 18.23-33: 89. Ծննո. 19.24,25: 90. 3 Pmg. 17.17 - 24: 91. 4 Pmg. 4.2 - 6: 92. Առակ. 2.7։ 93. Յալան. 19.8։ 94. Ծննդ. 27.27։ 95. Եբր. 11.10։ 96. 1Թես. 5.24։ 97. Եղեկ. 9.4, Ցալան. 14.1: 98. Մադաթ. 3.18: 99. 1Տիմ. 6.15: 100. Սաղմ. 110.4, Եբր. 6.20։ 101. ՅովՀ. 19.30։ 102. Եբր. 10.14։ 103. Գաղ. 3.25, Եբր. 12.2։ 104. Ես. 9.6։ 105. Եփես. 1.6։ 106. 1Կորն . 15.20։ Յալան. 1.5։ 107. Եբր. 1.3, 10.12։ 108. 1Տիմ. 2.5: **109.** Ղուկ. 22.45: **110.** Մարկ. 14.38: 111. Առակ. 6.24։ 112. Դատ. 16.4-21։ 113. Եբր. 12.22։ Յալտն. 22.14։ 114. Յալտն. 21.22,23։ 115. Մարկ. 5.41։ 116. Մարկ. 7.34։ 117. Ելիդ 16.13-16։ **118.** Թւոց 17.8։ **119.** ՅովՀ. 2.1-11։ **120.** Ցեսու 10.12,13։ **121.** Մատթ. 8.23-26։ **122.** Ելից 17.6: Թւոց 20.11: 123. Սաղմ. 32.1,2: Հռովմ. 4.7։ **124.** 1Կորնթ. 16.22։ **125.** 1Թես. 4.15։ 126. Յալտն. 14.13։ 127. 1Կորն թ. 15.54,55։ Ովսէէ 13.14: **128.** Ցովհ. 3.16: **129.** Ցովհ. 3.3:

1 Պետր. 1.23։ **130.** Հռովմ. 5.14։ 1Կորն*թ*. 15.45։ 131. Ծննդ. 1.26։ Եփես. 4.24։ 132. Ղուկ. 2.9։ 133. 2nil. 2.13: 134. Ping 24.17: bu. 60.3: Մատթ. 2.2: 135. Ես. 60.6: Մատթ. 2.11: 136. 1ՅովՀ. 4.4։ 137. Ես. 45.5,14,18,21,22 եւյն։ 138. Ցոբ 22.12։ Դան. 2.21,22։ 139. Անդէ 2.8։ 140. 1Թագ. 2.8։ Յոբ 36.7։ **141.** Ծննդ. 1.3։ 2Կորնթ. 4.6: 142. Հռովմ. 5.5: 143. Հռովմ. 8.14: Գաղ. 3.26: 144. 3 mg/s. 3.16: 13 mg/s. 4.9: 145. bu. 53.3-7: 146. Фիլ. 2.7,8: 147. Եփես. 1.21: Фիլ. 2.9: 148. Φ<sub>μ</sub>. 2.10,11: 149. Սաղմ. 51.17: 150. Եբր. 9.14,28։ 151. Հռովմ. 9.8։ Գաղ. 4.28։ 152. Գաղ. 3.26: 13ովՀ. 3.1,2: 153. Յալան. 22.20: 154. Դան. 2.21։ 155. Ամբակ. 2.14։ 156. Յակ. 2.17,26։ 157. Երեմ. 17.13։ Յովհ. 4.14։ 158. Ցալտն. 1.10,17։ **159**. Եղեկ. 33.31։ 18ովՀ. 3.18։ **160.** Մատ*[*ժ. 18.12-14։ Ղուկ. 15.3-7։ **161.** Սաղմ. 89.33։ 162. Սաղմ. 103.12։ 163. Հռովմ. 8.15-17։ **164.** ՅովՀ. 16.33։ **165.** 2 Տիմ. 1.7։ **166.** 

Ես. 41.10,13։ Մատխ. 28.20։ 167. Նաում 1.3։ 168. Երեմ. 27.5։ 169. Երեմ. 17.10։ Յալտն. 2.23: 170. bu. 54.17: 171. 13 mJs. 5.7: 172. 2 Կորն թ. 1.22։ 5.5։ 173. Եփես. 1.14։ 4,30։ 174. Ես. 63.1: **175.** Մատթ. 21.19: **176.** Եփես. 1.21,22: 177. 2 Կորն թ. 12.9։ 178. Մադաթ. 4.2։ 179. Ցալան. 22.16։ 180. 24որնթ. 2.15։ 181. Հռովմ. 8.34։ Եբր. 7.25։ 182. Ովսէէ 6.6։ 183. Ես. 66.3,4: 184. 3ng 38.2: 185. bu. 14.12-15: 186. 3nds. 4,24: 13nds. 4.8,16: 187. bifig 19.18: 24.17։ 188. Ես. 9.6,7։ 189. Երեմ. 17.13։ Յովհ. 4.14։ 190. Եղեկ. 9.4։ Յայտն. 7.3։ 14.1։ 191. Երեմ. 1.5։ **192.**. Ծննդ. 19.33-37։ **193.** Մատթ. 27.32։ Մարկ. 15.21։ Ղուկ. 23.26։ **194.** Մատ*ի*ժ. 22.2-14: 195. Նէեմ. 3.1-եւյն։ 196. Նէեմ. 4.6։ **197.** Ղուկ. 1.69,71: **198.** Ես. 60.1: **199.** Ղուկ. 1.70: 200. 2nth. 1.79: 201. 2nth. 1.32: 202. Ես. 7.14, Ղուկ. 1.34,35: 203. Ղուկ. 19.40: 204. Ղուկ. 2.10։ 205. Մատթ. 2.11։ 206. Ղուկ. 1.48։ 207. Ղուկ. 2.25-32։ 208. Մատթ. 4.16։ 209. Առակ. 16.2։ 210. Յովհ. 8.31,32։ 211. Մաղմ. 34.18։ Մատթ. 5.3,4։ 212. Ծննդ. 2.10-14։ 213. Մաղմ. 19.5։ 214. Երդ. 1.1։ 215. Մատթ. 25.1-13։

## ԲՈՎԱՆԴԱԿՈՒԹԻՒՆ

U3F - 4t					5
ՔԱՐԵՐ, ԿԱՆՉԷ <b>՛</b> Ք՝ ՈՎՍԱՆՆԱ <b>՜</b>					. 153
<b>ረ</b> ሀቦሀሀኒኮՔ					. 179
Աստուածաշնչեան լոումներ					. 197

## ՍԱՄՈՒԷԼ ՄՀԵՐԵԱՆ

# 188 **Գ**ե

Խմբագիր՝ Լեւոն Սարգսեան

Լրացուցիչ խմբագրումը եւ սրբագրումը՝ Մասունիկ Ալէքսանեանի

> Նկարիչ՝ Գեւորգ Մհերեան,

Համակարգչային ձեւաւորումը՝ Վիտալի Ասրեւի



Տպագրւած է «**Նոյեան Տապան**» տպագրատանը **«ՆՏ Յոլդինգ» ՍՊԸ** (060) 351122

contact@nt.am, http:/www.nt.am